

度

支

奏

議

度支奏議卷之二十

新餉司目錄

題議罰治違限解官疏

覆議找給滇兵入援月餉疏

題催省直生員優免新餉疏

題叅外解不到司府并定期限分完欠疏

題銷張關院支過軍前犒賞銀兩疏

題覆築凌班軍行糧塩菜疏

題議永鎮官兵廩餉則例疏

議罰徇廢王烈光等銅價各官疏

題敘楚省催餉京卿并完餉司府疏

覆王新民援兵給餉規則疏

題報發過漕折關寧充餉疏

題請省直督撫認定軍餉疏

覆關外餉司三年冬季分月奏疏

覆關內餉司三年冬季分月奏疏

覆津部奏繳河南二三兩年召買疏

覆科臣張國維條議催科考成疏

覆督餉部院奏繳薊永水陸二運事竣疏

覆秦省練撫續報增認襍項疏

覆議徐州商稅缺額疏

覆津部題敘東亮二三兩年召買官員疏

覆津部題敘霸密二三兩年召買官員疏

覆督餉部院薦敘畿南各府兩年召買官員疏

覆劉太常條議暫免順永召買疏

題廣東考選知縣黃金貴等預徵叅罰開復疏

覆順天傳撫請逆產銀兩建造營房疏

覆京庫支餉王業隆等兵馬改支通薊疏
考覈新餉薛郎中差滿疏

度支奏議卷之二十

太子太保戶部尚書溫青畢自嚴視草

題議罰治違限解官疏

題爲邊軍懸釜難待解官停轡不前懇乞

聖明查議究處以警怠玩以供軍興事專理新餉山

東清吏司案呈崇禎四年三月初二日奉本部

送戶科抄出鳳陽巡撫李待問題前事回

奏解官呂胤邁仰明朝遲悞緣繇本年二月三十

日奉

聖旨錢糧起解自應專官嚴限庶免稽悞若應解
解又勘合耽延其責豈獨在解官這日胤邁等
解銀兩曾否到部實收著一併查明奏奪該部知
道欽此又該巡按直隸監察御史史莖會題前事
三月初六日奉

聖旨已有旨了該部知道欽此又該應天巡撫曹
衡題同前事回奏解官梁日進遲悞緣繇四月
十一日奉

聖旨解差因病改委旬日可定何至遲延數月石

程旣回籍姑免究梁日進著罰俸半年該部知道
欽此欽遵抄出到部送司案查崇禎三年十二
月初四日該本部題前事內開常州府六月內
差官梁日進解加派銀三萬一千八百兩零廬
州府九月內差官呂胤邁解加派銀三萬五百
八十五兩零浙江布政司十月內差官丁士昌
解新舊餉銀一十五萬三千餘兩又報白襃解
銀六萬六千餘兩湖廣催餉京卿唐揮疏報十
月二十日委官班文煥解輸納等銀五萬兩十

一月十一日該四川撫按張論等疏報二次奏
解遼餉銀五萬兩尚無解官姓名迄今俱未解
到倘非停泊中途傾換低潮必係借資勘合或
帶貨物此其遲悞之罪誠不可辭合候各官解
銀至日交收明白分別議處再查廣西布政司
報差官經歷趙寓旻解新舊餉銀五萬兩兩准
報解塩課五十餘萬兩責令星速解到不得逾
于歲外等因十二月初五日奉

聖旨這各省直所報起解餉銀久延不到好生違玩

着該部一面行直隸山東河南各巡撫沿途揆查
各解見在何處嚴督經過州縣驛遞星速應付備
促前來一面仍行各該撫按詳核遲悞緣繇自行
回奏其解官梁日進等俟完解之日分別違限久
近奏奪欽此通行申飭亟催在案今查前項省直
所報起解餉銀如常州府解官縣丞梁日進啟
委本府知事董化龍於三年十二月十八日起
程四年二月初九日解到廬州府差無爲州吏
目呂胤邁六安州吏目仰明朝批文掛號在九

月二十六日據稱請計勘合往還馳遞兼之
領計冊于十一月初三日起程四年正月初
日解到浙江解官台州衛經歷丁士昌報解在
十月初旬因候領金花等銀實於本月二十八
日起程四年正月初七日解到湖廣布政司差
官典史班文煥因病故改委斷事王文耀十一
月十五日起程十二月二十九日解到浙江解
官白褒改委杭州前衛經歷汪國軾於十一月
十五日起程二月初四日解到廣東差官經歷

趙寓旻於九月初一日批差二月初一日解到
四川解官成都府經歷趙嘉謨於九月內起程
十二月二十六日解到兩淮委官運判周兆斗
於十一月二十日起程正月二十四日解到以
上各委所解銀兩俱經交收明白除應天解官
梁日進業經奉

有罰治外其餘各委查明違限久近相應分別具奏
案呈到部該臣等看得餉乃三軍命脉輸將之
遲速邊塞之安危係焉臣部每見省直報有起

解餉銀輒屈指盼望奚翅眼穿不謂解官滿

罔顧

公家非盤桓於本地則悠忽於前途以致沃釜之
需無濟然眉之急深爲可恨先是臣部因解官
梁日進等所解銀兩愆期不到慮恐各委踵沿
夙習未免那移改傾等弊故爾特疏查叅於以
防其奸嚴其令而速其至也今查常州府解官
梁日進批差半載托病改委知事董化龍則稽
延之罪洵不止解官獨也該府石萬程以回

姑免而本解梁日進仍罰俸半年業蒙

皇上恩威並用無俟再議矣其餘如董化龍計程五
十一日而到湖廣解官班文煥因病故改委王
文耀致耽二十餘日若文耀則四十五日而到
二委俱稱如期浙江解官丁士昌因報解後復
候領金花致遲旬日其起解到京計期兩月有
餘及驗水程所解新舊餉并金花銀共以二十
餘萬計錢糧甚夥車役催候需時如京口驛滁
陽驛固鎮驛宿州徐州東峰驛俱候信宿應付

則濡滯之故在驛遞不在解官矣四川解官
嘉謨臣部原疏念其途賒限以年終今於十二
月二十六日解到亦已如期兩淮委官周兆斗
於十一月二十日起程正月二十二日解到銀
數獨多難云過限以上各解官相應免議若應
州府解官呂胤邁仰明朝批文掛號在季秋之
杪而起行就道則在仲冬之初藉口於領勘合
候計冊誰其信之且銀僅三萬餘計非有兆斗
士昌之煩也遲至六十餘日而始到又何爲也

浙江解官白袞藩司所報之名也及解銀到部
又係汪國軾是則趙甲錢乙任意更張旣啓規
避之端更滋遲悞之弊第因劣轉改委則情有
可原耳但國軾七旬始到難辭遲滯之愆廣東
解官趙寓旻五閱月而到雖云程途遙阻然亦
不應如是之遲以上解官本當重懲姑念錢糧
交明合各量行罰俸半年以儆積玩者也至於
經過驛遞業奉星速應付之

旨通行申飭矣卽當奉行唯謹何京口等驛仍敢故

違乃爾倘不懲創一番則

前旨終成故事並應責令該撫按提究戒飭以信
功令此後起解錢糧一經兌領立促起程經過地
星速應付如銀未發而空文報解責在該管銀
已領而贍顧不行責在本解銀到信地而應付
不速并防護不周責在地方方法在必行罰無假
貸庶人心兢惕而輪輓自速矣既經該撫按回
奏并該司查明前來相應分別奏

請恭候

命下臣部移咨吏部并行各該巡撫及都察院轉行
各巡按御史一體遵照申飭施行

崇禎四年五月初二日具

題本月初四日奉

聖旨解官呂胤邁等四員依議各罰俸半年其京口
等驛應付遲悞著該撫按查明究懲今後各省直
錢糧委解凡起程及經過地方都要註明月日聽
憑稽覈如有空文預報領後遷延應付不速防護
不周等情定一一挨查罪坐所繇該部卽通行嚴

飭欽此

覆議找給滇兵入援月餉疏

題爲懇恩俯給滇兵月餉則例以矢効命事專理
新餉山東清吏司案呈崇禎四年四月十四日
奉本部送戶科抄出雲南巡撫王伉題前事等
因本年四月十三日奉

聖旨該部知道欽此又該雲南巡按御史趙洪範題
同前事等因同日奉

聖旨該部知道欽此欽遵抄出到部送司具覆聞又
奉本部送據密雲糧儲孫士髦呈爲懇天開恩

給餉以拯滇兵性命事內開奉本部劄付新餉
司案呈奉本部送准兵部咨前事備劄仰查去
年十一月該省差官李茂奇解到滇餉一萬兩
曾否支完每月該銀若干則例何如火速查明
報部以憑酌議等因奉此遵卽稟行該營中軍
楊藩查明去後隨據本官呈稱崇禎三年三月
初一日自省起程領過本省布政司餉銀一萬
五千二百七十五兩二錢五分給過各兵安家
并放月餉筭至八月初六日止尚存銀一十五

兩三錢二分五釐先經開報在卷隨具文呈請
糧餉間於十一月內蒙本部劄付給發本省差
官李茂奇解到滇餉一萬兩本將差千總楊春
照數支領到營連前項存銀一萬一十五兩三
錢二分五釐應自八月初七日接放起至十二
月二十一日止共放過銀九千九百五十五兩
六錢五分尚存銀五十九兩六錢七分五釐等
情到司據此爲照滇兵每名日支銀五分馬每
匹日支銀二分五釐此原報則例也上年十一

月內該省解到餉銀一萬兩并存剩之銀自本年八月初七日接放起至十二月二十一日止共該應給銀九千九百五十五兩六錢五分止存銀五十九兩六錢七分五釐自十二月二十二日起至今止並無月餉解到給放以故各兵嗷嗷告討前銀但查各兵以到鎮之日爲始比照本鎮額例每兵一名日支行糧粟米一升五合每馬一匹日支料鹽三升草一束俱上下半月本折兼支俱各按月給放全完及至本年二

月內奉文准每兵日給塩菜銀三分自上年十
二月初一日爲始照例補給該本司遵奉部文
亦俱給放無欠惟是該省月餉運解愆期應否
那借合候本部酌議裁示等因奉批滇兵在密
雲者其支餉始末已詳具於此是原未嘗行月
兼支也今該省月餉不至似亦取盈其原數而
足矣新餉司查議具題奉此相應并覆案呈到
部該臣等看得雲南遊擊祿洪統領原調援兵
一千三十五名捐資報効兵四百三名共一千

四百三十八員名馬二百一十匹此原調兵
之數也雲南初發兵時原給月餉銀一萬五千
二百七十五兩二錢五分續該委官李茂奇解
到銀一萬兩此原解兵餉之數也滇兵支餉每
兵日支銀五分每馬日支銀二分五釐自崇禎
三年三月初一日起支至十二月二十一日止
止存銀五十九兩零此滇中支餉之數也滇兵
至京卽發密鎮每兵日支粟米一升五合每馬
日支豆三升草一束上下半月本折兼支又滇

上年十二月初一日因滇中月餉已盡每日僅給塩菜三分此部發糧餉之數也竊照滇雲萬里選銳勤

王有兵自應有餉乃合發兵之所順帶與委官之所解至者共計二萬五千二百七十餘兩扣至客冬十二月間而俱已用盡矣臣部當此外解斷絕呼籲告匱之時安有餘力以代滇省措置惟是滇黔比隣滇之幅帟物產頗饒於黔而遠又過之臣部因已爲黔諒矣不能不爲滇恤也但

其食餉之則例與給餉之錢糧則有不合者酌議者滇兵至密之始每日止支本省餉銀一分草料二分五釐臣部糧料草束本折搭配放原未嘗支塩菜也逮至十二月內滇省餉盡而始議給每日塩菜三分矣夫馬匹原無行路兼支之例則從前之日支二分五釐者非也今卽免其追扣亦當裁定停支可也塩菜每月九錢視每日五分者每月尚少六錢仍有小盡者扣若自十二月爲始通融銷筭止以裁足

五錢爲額已復滇兵至密之舊可無容奢望也
是則新議給餉之則例也查滇省歲解錢息二
萬固亦臣部新餉之裸項然而鑄本原係自備
報息較爲獨饒以滇之錢息養滇之士馬臣部
豈有靳焉惟望該撫源源而來勿致中斷已耳
至安家銀兩原應給自該省今旣補解到京待
其至日仍發密雲餉司酌量分給查銀數該二
千八百餘兩而該省裁省站銀止二千四百餘
兩其不足者仍欲於錢息內動抵此則該省仍

當補還臣部者也摠之密雲近地與關外險阻者原自不同以月餉之一兩五錢合之口糧米數已溢一兩八錢之外較之秦翼明之川兵在文綬之黔兵固已適相當矣伏祈

勅下臣部將滇兵月餉照議給發卽以滇省所解錢息抵作滇兵月餉其安家銀兩仍令該省湊辦勿再措動錢息則餉有定額而兵無阻饑矣既經該省撫按會題前來相應覆

請恭候

命下臣部移文各該衙門一體遵奉施行

崇禎四年五月初二日具

題本月初四日奉

聖旨這找足滇兵月餉併錢息抵充解還安家銀兩
等事俱依議行

題催省直生員優免新餉疏

題爲查叅生員優免新餉報解踰期以信

功令以濟匱乏事專理新餉山東清吏司案呈案
查崇禎三年六月二十七日該本部題爲

聖武布昭名城克復正宜乘時修備以張捷伐以保
久安長治事七月初一日奉

聖旨這捐助優免襍項等銀多有輸納在官任意那
用不盡起解者好生可恨爾部便行該撫按嚴查
督催有司違玩的叅來重治欽此本年九月初八

日又該本部題爲廣惠方殷財匱可虞乞
勅廷臣從長集議早爲設處以勿悞軍興事九月

一日奉

聖旨軍興費繁新餉不繼臣子誼當急公楚蜀二
屢奉明旨何得藉口善後仍復玩延并南都事例
銀兩及各省直捐助優免等項俱限歲前通完自
行回奏如悞急需叅來重處該科記着其生員
免扣解定以三年爲始已免過的不許混徵更
煩擾開節大計該部還從長商議毋得但思移

抵新支吾塞責欽此欽遵在案前已俱經通行各
省直學道司府去後原限歲前通完迄今已閱
歲矣惟山東省冊報四萬一千四百九十二兩
五錢二釐陸續解訖止未完一千九百一十一
兩零河南省無冊報部止解過一萬三千四百
五十兩二錢六分零山西省無冊報部止解過
三千一百五十八兩六錢零陝西省無冊報部
止解過一千五百四兩七錢零廣東省無冊報
部共解過二萬五十三兩五錢零南直應天府

無冊報部止解過六百八十一兩八錢零太平
府冊報一千四十六兩七錢八分零俱已解宗
松江府無冊報部混解鄉官生員免銀一千二
十三兩二錢零鎮江府無冊報部止解過三百
七十九兩四錢二分零徐州冊報一千六百二
十七兩四錢三分共解過九百五十四兩二分
零和州冊報九百四十一兩四錢二分止解過
二百六十六兩六錢二分零順天府全冊未到
止報平谷灤縣順義懷柔共解過四百二十五

兩三錢零延慶州無冊報部共解過九十八兩
五錢二分保安州無冊報部止解過一十九兩
六分此外如江西報銀二萬三千六百二十五
兩五錢六分福建報銀四萬四千二百七十一
兩一錢零廬州府報銀六千二百七十八兩九
錢五分零保定府報銀一萬八千六百六十五
兩五錢三分零順德府報銀八千二百二十七
兩九錢零廣平府報銀一萬二千一百七十二
兩八錢四分零大名府報銀七千七百九十四

附七分零真定府柏鄉高邑齊皇衡水冊報
四千七百七兩三錢八分零俱未解分毫又如
浙江廣西湖廣四川雲南貴州安慶徽州寧國
池州蘇州常州廣德州鳳陽淮安揚州滁州
平河間銀冊並無到部相應查叅案呈到部
臣會同管理新餉侍郎周士樸查覈餉務戶科
給事中許世蓋看得

國家養士愛民體貌雖殊而休戚相關之誼緩急
呼應誦讀之儔當倍懇於耕鑿之侶也年來

畝一加再加之農夫幾無遺力而後乃不得已議
及生員優免維時臣部及該科臣往復諏謀會
謂權宜可行正以生員本身差徭照舊豁免而
第徵其優免供丁及地畝糧石不過以
公家作養之恩還之

公家且議三年卽止似亦不爲厲也况鄉紳輩無
論崇卑已徵解十餘載而何獨疑於生員也乃
今蒙

旨逾年如山東河南山西陝西廣東應天太平松江

鎮江徐州和州延慶侯安以及順天之平谷
縣順義懷柔或冊至而銀亦至或銀至而冊
至分數雖歉奉行猶力如江西福建廬州保
順德廣平大名真定或報而未解或報亦未
固已屬怠緩矣如浙江廣西湖廣四川雲貴
慶徽寧池州廣德蘇常鳳淮揚滁以及永平
間解報絕跡令人殊不可解以上省直救急
實銀逗遛逾年漫藉口於難徵望梅之虛數
惜片紙竟坐度之高閣則山東一省何獨

九分以上也且也莫疲於延保而輸捐最蚤其
遠於廣東而完解獨先豈彼中青衿輩家盡素
封者耶又豈軍饑糧絕邸報抄傳而省直諸臣
顧忍忘

國卹而漫不經心耶大都迂緩者把持於狂儒名
高者養譽於作興而不思讀聖賢之書急

君父之事卽以優免身外之物捐助三年豈便得生
失死之所係乎除永平殘破雲貴天末姑俟續
至畿南眞保諸府該撫解經傳原題稱十二萬

臣部議留四萬以餉恒兵各府能欺內部不能欺該撫十二萬之數定有實據應責令補足報冊分別題留起解召買應用外其餘省直奉有自有行回奏叅來重治之

旨目前四月已盡新庫如洗搜無可搜借無可借文移穎禿茫無一應惟有仰藉

天語勒令撫按回

奏耳事經創始不敢卽行分別降罰而三年分在報而未解者近地限五月遠地限六月勒令起

解赴部有全未報解者近地亦限五月遠地亦
限六月隨報隨解亦復如之如再過期不報不
解司府提學各官分別等第從重罰俸降級有
差其銀雖到而冊未到者仍令補造以券後日
至於四年優免附於襍項新餉之內亦限年終
通完一體考成若撫按官有漫不督催及藐不
回

奏者臣部且執白簡以隨其後矣夫供丁地畝原
非有無著落幻不可問故必冊報到官而後可

賁輸納又必起解到部而後有裨軍興若不
白具冊是猶恣爲影射而希僥倖於克脫也恐
苦樂之不均也若不起解克餉是猶戀不忍割
而徒克饑於畫餅也恐分義之不出也豈以
綸綍電耀置郵風馳而竟可弁髦置之者哉蓋臣部
當此勢窮策盡之際難言寬假值此救焚拯溺
之時何惜纓冠臣言至此而甘以其身爲怨的
矣伏祈

勅下臣部行文各省直撫按查照節次題奉

明旨刻期督催司府提學各官星速報解再遲分別
罰降庶未解者不敢觀望愆期而已解者亦不
致習染成慢矣

崇禎四年五月初二日具

題本月初四日奉

聖旨生員優免原屬作養曠恩時詘輸公誼徵好義
詔令已布豈容玩違這本內銀冊未解省直地方
依議勒限催解再遲分別叅治此項銀兩以後卽
著提學官另本奏報不必湏入襍項反難稽查該

部卽行通飭欽此

題叅外解不到司府并定期限分完欠疏
題爲饑軍那借已窮額餉期會愈緩敬遵

明旨查叅以信

功令事專理新餉山東清吏司案呈到部該臣等
看得兵浮餉墮日講開節而日憂不足臣部之
呼籲

聖聽者不啻屢矣頃臣因外解不至那借術窮至厯
聖慮之焦勞煩

明旨之詰責臣部攢眉腐心度日如歲而省直諸臣

悠悠忽忽似謂述職之後能事已畢揔衆旣
功令可緩而春盡夏半竟無肯按分數以濟脫
者臣部始不得不破情面而樹怨梯矣先該臣
部鑒及戊辰之春計吏告歸灌輸稀絕而今援
兵新兵雲屯鱗次尤有不可一日無餉者預定
四限初限正月連預徵完加派四分二限四月
完加派三分三限六月完加派三分
四限八月完加派三分
完加派三分四限八月完加派十分全完題奉
欽依通行頒布蓋逆知司府州縣當歲終催科之後

勢必怠緩而先策以最緊最急之法矯以不得
怠緩之勢也逮三月內臣具有餉派雖增餉源
幾斷一疏申明前限奉

聖旨這加派襍項軍興急需旣立有程限如何拖欠
尚多著行省直各撫按嚴督司府依限完解仍著
自行回奏錢糧完欠全在考成清覈確示勸懲該
部每遇外解不繼輒勤請申飭及至考覈又徇情
祈寬是何政體今後還嚴行叅罰以信功令欽此
欽遵今又五月矣轉眼三限及期而初限半多

未足一限杳無一應除山東全留登撫山陝二
省俱有兌支舊餉年例并工部分餉之數且方
值兵荒似應緩叅雲南除新加三釐未派外每
年額該加派銀一萬六千一百九十四兩二錢
二分九釐襍項尚未認定向俱留本省兵餉去
年十二月內臣部覆准解部克餉今卽不能如
期完解亦當次第解報姑念路途遙初割亦應徐

議叅罰

畿南六府襍項議抵召買價值地畝六釐新派得

始俟另行摘叅外如浙江省正月四月該完加
派七分該銀三十九萬二千二百五十四兩零
解過七萬七千五百七十兩六錢又工部分餉
四萬兩未完四分九釐襍項三分該銀四千三
百三十一兩一錢零全未完江西省預徵五分
正月四月共加派八分該銀二十八萬八千八
百二十八兩零解過一十五萬三千一百一十
兩七錢零又工部分餉二萬兩襍項八分該銀
五萬一千八百七十八兩二錢九分零解過一

萬三千九百七十兩零共欠五分八釐五毫
廣省正月四月加派七分該銀三十四萬八千
五百二十八兩五錢零解過八萬五百八十兩
未完五分三釐襍項三分該銀二萬二千六百
六十二兩全未完福建省正月四月共該加派
七分該銀一十一萬二千七百四十五兩解過
四萬一千二百四十二兩三錢六分未完四分
四釐襍項三分該銀二萬七千五百七兩四錢
零全未完河南省正月四月共該加派七分該

銀六十二萬二千九百二十六兩七錢零解過
一十八萬九千一百八十二兩零又工部分餉
四萬兩未完四分四釐襍項三分該銀二萬八
千九百一十八兩五錢零內止榮澤縣解過二
百一十四兩八錢八分外俱未完廣東省正月
四月共該加派七分該銀二十一萬五千七百
六十六兩七錢零解過四萬一百五十兩未完
五分七釐襍項三分該銀二萬三百七十七兩
五錢零全未完廣西省正月四月共該加派五

萬六千八百五十六兩一錢零解過三萬四千
九十七兩一錢六分未完二分八釐襍項三分
該銀三千四百二十一兩三錢六分解過二千
七百九十兩未完六百三十一兩三錢四四川省
正月四月共該加派一十一萬三千二百四十
九兩六錢全未完襍項題留黔餉訖南直應天
府正月四月共該加派五萬八千三百兩零解
過一萬五千三百六十七兩六錢二分未完五
分一釐六毫襍項三分該銀二千八百九十公

兩九錢零全未完安慶府正月四月共該加派
七分該銀一萬八千四百兩四錢零解過五千
九百一十四兩四錢零未完四分七釐五毫襍
項三分該銀三千一百七十四兩一錢全未完
徽州府正月四月共該加派七分該銀二萬三
千一百一兩九錢零解過八千二百九兩五錢
零未完四分四釐襍項三分該銀四千一百一
十五兩一錢零全未完國府正月四月共該
加派七分該銀二萬五千四百七十七兩八錢

粵省銀七千七十九兩一錢零未完五分六釐
襍項三分該銀三千五百四十四兩三錢零全
未完池州府正月四月共該加派七分該銀七
千六百三十四兩九錢零解過一千八百兩未
完五分三釐六毫襍項三分該銀二千四百四
兩八錢零全未完太平府正月四月共該加派
七分該銀一萬二千三百六十八兩五錢零解
過三千七百兩未完四分九釐襍項三分該銀
一千四百六十二兩九錢零全未完蘇州府正月

四月共該加派七分該銀七萬八千八十六兩
零全未完襍項三分該銀五千五十兩五錢零
全未完松江府正月四月共該加派三萬五千
六百八十兩七錢零解過一千八百四十兩六
錢未完六分六釐襍項三分該銀三千二百六
十九兩八錢解過一千二百七兩七錢七分未
完一釐五毫常州府正月四月共該加派七分
該銀五萬三千九百七十四兩九錢解過一萬
三千四百九十二兩三錢零未完五分二釐五

毫襍項三分該銀一千四百四十六兩九錢零
全未完鎮江府正月四月共該加派七分該銀
二萬八千四百六兩三錢零解過三千八百三
兩零未完六分七毫襍項三分該銀二千四百
兩零全未完廣德州正月四月共該加派七分
該銀一萬四千九百四十七兩三錢零解過五
千三百三十七兩未完四分五釐襍項五分該
銀五百二十八兩三錢全未完廬州府正月四
月共該加派七分該銀五萬七千四百四十六

兩八錢零解過一萬八千三百七十三兩九錢
未完四分七釐四毫襍項三分該銀五千八百
八兩二錢零全未完鳳陽府正月四月共該加
派七分該銀五萬五百六十一兩二錢解過一
萬六千二百三十四兩四錢一分未完四分七
釐五毫襍項三分該銀一萬一千三兩七錢零
全未完淮安府正月四月共該加派七分該銀
七萬四千五百八十五兩五錢零解過八千四
百一十兩零未完六分二釐五毫襍項三分該

銀五千一百九十七兩一錢零全未完揚州府
正月四月共該加派七分該銀五萬一千三百
一十一兩四錢零解過一萬六千四百九十三
兩零未完四分七釐五毫襍項三分該銀八千
七百六十四兩零全未完徐州正月四月共該
加派七分該銀一萬六千九百四十兩四錢零
解過三千八百一兩八錢未完五分四釐二毫
襍項三分該銀一千七百四十兩九錢零全未
完滁州正月四月共該加派七分該銀二千三

百六十兩二錢零解過四百八十九兩六錢未
完五分五釐四毫祿項三分該銀一千一百二
十八兩七錢解過七百五十九兩一錢零未完
三釐和州正月四月共該加派七分該銀五千
二百二十一兩二錢零解過一千六百八十二
兩三錢未完四分七釐五毫祿項三分該銀一
千三百六兩三錢解過一千一百五十七兩零
未完一釐一毫以上省直自新

覲帶預徵三分以後其起解者何寥寥也匪直新餉

少者不鮮而多者亦不鮮匪直地方遠者不鮮而近者亦不鮮以彼諸臣豈不知閔飭食指如蠅臣部催頽欲充乃刻畫以求漫漶而應惟知偷息於計完居然漏網於得筭忘

國恤而藐

功令緩軍實而誤封疆臣子之誼設心當不若是恣也卽州縣多員未易槩叅臣愚欲將各省藩司及直隸各府掌印官先行分別任俸降罰俾自

大計以來各該司府有留

覲者有署篆者有陞遷者有回任者職名未報臣部
難以遙度更代不常查叅遽難懸坐所當責令
省直各該撫按將前項地方留

覲代庖回任司府各官遠限六月近限五月速將真
正職名勒限查叅分別降罰以信自行回奏之
旨臣部據實覆核照例題

請如果完解及額卽與免叅或俟叅後開復不則難
逃三尺者也旣經該司案呈前來相應題

請恭候

命下責令各該撫按分別查叅庶
功令昭明而兵餉接濟矣等因

崇禎四年五月初四日具

題本月初七日奉

聖旨這省直欠餉司府各官依議着該撫按遵限開
寫職名報部分別議罰欽此

題銷張關院支過軍前犒賞銀兩疏

題爲清銷錢糧事專理新餉山東清吏司案呈崇
禎四年二月初二日奉本部送戶科抄出巡按
直隸監察御史張學周題前事奏報支銷過軍
前犒賞銀兩緣繇本年正月三十日奉

聖旨該部查明具奏欽此欽遵抄出到部送司相應
查覆案呈到部該臣等看得協理劉之綸曩者
募兵徵勦之役共領過臣部新舊餉銀三萬一
千七百一十六兩七錢九分聽其軍前支給而

本色之糧料草束薊門之塩菜不與焉蓋推知
師行糧從初未嘗分別衣裝與月餉也不意官
兵潰敗而所發兵餉竟同逝波而不可問矣適
該協差官茅國英聞敗中止將所領二千餉銀
呈貯通州亦度幾稍存泥沙之金屑耳維時關
臣張學周初奉

簡命詰戎於遘虜氛甚急人心驚惶念非金錢犒賞
無以鼓舞將士是以題留前銀應用我

皇上垂念安攘

俯允其請仍令具疏清銷是於投醪之中而防濫觴
之漸也今關臣事竣遵

旨奏報共用過銀一千六百六十六兩三錢九分五
釐一毫六絲臣部按款而查核之如領造火藥
戰車等銀四百八十五兩三錢原屬工部事應
工部措還第莫非

王事且爲數無幾臣部之分餉工部者不少而拘拘
然強分畛域恐瑣瀆

聖聽而乖公忠共濟之誼也相應併與開銷至於支

剩銀三百三十三兩六錢四釐八毫四絲應作
通鎮四月分餉銀應用不得再行那移而化爲
烏有矣旣經關臣

奏繳前來相應核覆恭候

命下臣部移咨通鎮督治衙門及劄行屯運驛將寄
貯通庫餘銀三百三十三兩六錢零取充四月
分兵餉作正支銷并咨巡關御史及工部知會
施行

崇禎四年五月初五日具

題本月初八日奉

聖旨是欽此

題覆築凌班軍行糧塩菜疏

題爲遼鎮百廢具興邊餉萬分難緩懇祈

特發塩菜行糧以救然眉事專理新餉山東清吏司
案呈崇禎四年四月二十六日蒙

御前發下紅本遼東巡撫丘禾嘉題前事等因奉

聖旨這屯凌工作事宜併所請各項兵餉著戶兵二
部一體商酌速奏欽此欽遵隨卽咨會兵部商酌
去後又該本部題爲給發糧餉事本年四月三
十日奉

聖旨班軍修築秦兵遠戍垣塞月餉勢難延續
經發過及抵補借給知道了其餉歸寧遠併米石
買折事宜還與該督撫酌便行欽此欽遵五月
三日准兵部回咨內稱先據寧前道具揭條
業經本部題奉

聖旨秦內修築屯凌事宜規畫甚悉但狡夷善伺
擾宜防必須內外兼籌全操勝算如調集重兵
築其各城是否不至力分秦兵貼補果否足恃
關內防兵火器多議調發薊鎮一帶作何聯絡

援鎮道條議雖詳謀斷不嫌慎確還着樞輔會同
該撫再行商酌并責成各將領實圖擔任以便課
功該部知道欽此欽遵無庸復贅外看得凌屯之
修築爲進取計也各兵行糧塩菜并川兵之月
餉爲修築計也修築旣不容緩則各項又何容
濡滯相應咨回戶部速給不待再計者也爲此
合咨貴部卽將遼鎮王客班軍應給行糧塩菜
并川兵月餉商酌具奏星速厝發以資進取等
因到部送司爲照兵餉告急外解不前本部前

題借輕齋等銀二十萬以抵三月分之缺額今
三月甫爾找完四月全未給發居諸若流庫藏
如洗各鎮紛紛告討且遼撫調發主客班軍三
萬四千四百餘名出關修築右屯又秦兵萬人
借過閣部功賞銀見在催補而秦兵又且索五
月分之餉萬分難措查得京軍每年四十月例
放折色今五月本色已經給發而四月折色尚
未支放近日米價騰貴合無議將應放京軍四
月分折色暫放倉糧本色那移漕折以濟開塞

之窮俟外解稍裕補放折色一月亦京軍所樂
從等因奉批米價正騰軍固樂得本色新餉方
匱邊又急需折色稍通融於目前俾各得其分
願於

國無損於事有濟亦應變之微權也移付雲南司
查議續准雲南司付稱奉本部送准襄城伯李
守鐫手本內稱營軍四月折色米銀至今渺然
無期雖蒙貴部憐恤先發五月本色但今米豆
草束價騰各軍糴買不前合無暫將六月軍糧

預爲借給並將四月米銀速發等因到部奉批
卽查議具疏該本部查得京軍月糧一項每年
四十兩月支給折色今關寧缺餉而營軍亦苦
糴買騰貴以折易本誠計之得合無將四月折
色改放倉糧本色暫那漕折以濟關寧俟新餉
解到卽行扣還補放折色一月爲便等因移付
到司案呈到部該臣等看得邇者

聖武維揚將士効力指顧大凌以規右屯諸處臣部
加額拭目聿觀恢勦之効無奈外解絕跡一切

月糧塩菜不能應手應時爲慮先准閣部題咨
班軍一萬四千人約用塩菜銀八千餘兩秦兵
萬人出關暫移功賞諸費借給三四月之餉臣
部措償不前僅給發班軍塩菜八千四百兩抵
還秦兵三月分銀一萬四千兩四月尚虛懸有
待而遼撫又議增主客班軍合共二萬四千四
百名塩菜又加一倍矣且四月之索償未塞而
五月之望哺史殷臣等反覆思之外有必不容
緩之工作內有必不能省之芻糧計無所出頃

具天道亢旱一疏奉

聖旨這事情已有諭旨了目下需餉甚急還著按期
措給勿致延誤欽此夫按期措給者臣等之心而
不能按期未免延誤者臣等之罪然而臣之力
實不能湧金當餉縮地促解也屈指太倉止貯
有漕折十萬餘兩約可充京軍四月分米折之
需京軍十萬枵腹待支何敢再言借以賈罪
惟是天久不雨

京師米價騰貴一時軍民胥病營衛健兒頗有不

樂折色之心而格格於成例此襄城伯李守備
所以催四月折色而又欲預借六月本色也臣
思預借則濫觴難繼不借則四月每石五錢不
足買米五斗窮軍又實可憫據新餉雲南兩司
商酌京營正苦無米關寧正苦無銀而臣復衡
之物價質之人情恐膠柱則京軍坐受貴糴之
病通融卽鎮兵暫獲濟急之需合將京營四月
分應放折色銀兩改放倉糧一月其漕折那克
新餉俟外解稍敷卽爲補放折色一月是四月

以貴本代賤折京軍倍需不費之惠而將來又以新餉代漕米卽倉庾亦無損有餘之儲也蓋每年四十兩月放給折色今歲亦惟還其兩月折色足矣其秦兵萬人五月餉銀一萬四千兩與班軍二萬餘名塩菜一萬四千兩遼撫呼號日急屯凌修築方興比之內鎮情勢倍切計莫如於米折十萬餘兩內刻期先發以鼓敵愾而速版築餘可量給薊永以紓肩睫事果兩便顧不偏虧想亦

聖明所不靳也既經該撫具題及兵部回咨前來相應覆

請恭候

命下臣部移文各該衙門遵奉施行

崇禎四年五月初五日具

題本月初六日奉

聖旨京軍四月改放倉糧暫移漕折濟關寧急需洵屬便計如議速行

覆議永鎮官兵廩餉則例疏

題爲覈議永鎮月報錢糧以便遵守事專理新餉
山東清吏司案呈崇禎四年四月十一日奉本
部送戶科抄出永平餉司刁化神兵備副使方
一藻奏爲按月

奏報事內開除貴州營并山海正武車中兩營行
糧鹽菜已於十月分

奏報冊內改入援兵項下訖其燕建二營并桃林
口兵丁銀米原支新餉今應改入舊餉節存內

通融支銷其吏書各役原係暫動餉銀俟州縣開徵再行停止外其標下官丁內丁該分發各營不如仍隸標下操練爲便照欵登答回

奏於四月初九日奉

聖旨該部覈議具奏欽此欽遵抄出到部送司案查崇禎三年正月初十日該本部科會題前事駁查永平鎮九月分餉冊緣繇正月十三日奉

聖旨這永鎮標營員役併原糧料豆據該部覆覈有應裁汰改正及開載未明的俱著該餉司道臣逐

欵查議速奏欽此欽遵行令永鎮司道查議回

奏去後今據該司道登荅會疏回

奏前來相應覈覆案呈到部該臣等會同管理新
餉右侍郎周士樸查覈餉務戶科給事中許世
璽復叅看得永鎮當殘破之後主客錯襍頭緒
未易頓清衙役創設餽廩率需內應而招徠鼓
舞不得不用多用厚者勢也然餉有定額制須
可以臣部於該鎮九月餉冊畧爲刪繁訂誤要
歸於發一餉得一兵之用少一役留一餉之餘

而止今據該司兵道揆時審勢條荅臚陳而
等再加詳閱除原議照舊存留者不必再議祖
帥多支料豆姑免截扣自二月爲始照例日支
四升外其應扣還官銀一百五十九兩二錢一
分據稱係扣貴州營兵多支過六月分鹽菜銀
兩失註太倉分三字委無欺隱情弊應准改正
惟廩糧粳粟米折多支一十二兩一錢八分據
稱總數與撒相對無差是矣然臣部所憑者冊
耳再閱九月分冊開材官二十五員列在百總

之後以成例論百總所支粟米每斗折銀六分耳材官係何官也尚不得比於百總而妄冀糴米則總兵叅將抑食何米乎况原冊開百總月支粟米四斗三升五合每斗折銀八分材官月支粳米五斗八升每斗折銀八分分明係粟字誤粳字非二錢誤八分也卽八分亦屬濫增二分若以粟米而支粳折實多銀一十七兩四錢可輕假哉應於應支米銀內扣准銷筭者也至於官丁皂快等項或汰其人以存餉或留其人以

減糈約計此番可月省銀二百九十兩六錢
謹將酌減欸項開坐於後伏祈

勅下該鎮司道遵照施行

計開

永平道標下中軍守備一員月支廩糧銀
一十三兩五錢心紅銀三兩五錢旗
鼓都司一員月支廩糧銀二十四兩
心紅銀三兩五錢

前件臣部以其非實授議各減三分之

一今據回稱二官俱係攻復濠永有
功題

准實授除中軍照舊開支外旗鼓官係前道添設今
止議月支銀一十四兩裁減一十三
兩五錢相應依議

聽用守備四員各月支二兩六錢

材官六員各月支二兩二錢

軍宰夜不收四員各月支九錢

舊役家丁百總四名各月支二兩四錢

管隊四名各月支二兩

舊役家丁二百一十三名各月支銀一兩

六錢

門吏三名各月支一兩五錢

前件原議照舊存留今據覆奏無異

副中軍旗鼓加衛守備二員各月支十兩

加衛都司三員各月支五兩

材官百總八十五員各月支二兩四錢

聽用官一十七員各月支三兩

前件臣部原議裁汰今據回稱加銜併材官聽用俱係有功題敘才堪効用議副中軍旗鼓二員各減銀四兩材官量汰三十員餘照丁糧各月支一兩八錢共每月省銀一百一十三兩相應如議

官丁一百五十員各各月支一兩八錢
內丁八十五名各月支一兩八錢

前件原議分發各營今據回稱道臣職

任衝邊不時策應緩急可用欲使

標下精練備用相應如議

書辦二十九名各月支三兩

抄案吏七名各月支一兩二錢

門子三名各月支一兩五錢

皂隸三十二名各月支一兩五錢

快手四十七名各月支一兩二錢

前件原議書辦裁去九名抄案吏裁去

二名門子各減銀九錢皂隸裁去十

六名快手裁去二十三名今據回題
各役俱係額設未便裁汰且借支僅
止今歲來歲地方開徵即可停止除
門役分內外班姑存四名每名仍照
例共月支銀六兩外書辦等項遵議
酌減每月減銀八十一兩及查門子
一項原冊所載止三名今忽門四名
是欲減而反增也仍應照原開三名
照部原議每名月支六錢共月支一

兩八錢餘減四兩二錢連吏書具供

門役共該月減銀八十五兩二錢

永平道標下山東營

都司一員月支二十四兩

中軍一員月支九兩

千戶一員月支六兩

把總六員各月支四兩二錢

前件原議照舊存留今覆奏無異

聽用守備一員月支三兩二錢

聽用守備等官四員各月支三兩

聽用守備把總等官四員各月支二兩六

錢

前件原議裁汰今據回稱遵依裁去共
月省銀二十五兩六錢

教師六十一名各月支二兩四錢

前件原議各減四錢今據回稱遵依各

減四錢共月減銀二十四兩四錢

匡永營遊擊黃詩月支廩銀四十三兩

陸運車營都司金世任月支廩銀二十四

兩

押運車頭十一名各月支三兩

前件原議遊擊月減一十三兩都司月

減六兩車頭各月減九錢今據回稱

遵依裁減共月減銀二十八兩九錢

貴州營

材官二十五員

前件該鎮餉司原冊開各月支鹽菜銀

一兩七錢四分粳米五斗八升每斗
折銀八分夫粳米無八分一斗之理
材官無槩支粳米之例則粟字訛粳
明甚乃細數開每八分而總數則筭
二錢是尚得謂撒總相對乎以總數
除之實多銀一十七兩四錢相應扣
抵改正

以上通共每月減省銀三百零八兩然
此特就未定經制之先而言耳俟經

制裁定又不得拘泥者也

崇禎四年五月初七日具

題本月初十日奉

聖旨這覈覆永鎮月餉應扣應裁及改正項款俱如
議行

議罰狗發王烈光等銅價各官疏

題爲遵

旨回奏事專理新餉山東清吏司案呈崇禎四年二
月初七日奉本部送戶科抄出錢法侍郎劉重
慶題前事回

奏奸商騙銀等緣繇本年二月初五日奉

聖旨姦商侵負多金總因事前給發太狗事後追比
不嚴這王烈光等積欠銀兩據稱文移叅提終成
影響必待差官親督地方該管官所職何事王珍

錫不必遣行還者申飭該撫按勒限嚴比變產速
完仍各自行回奏其先後徇發各官着該部查照
職名見任離任分別罰懲其四年以後內外交查
之法已奉明旨銅鉛多寡并採辦接濟事宜卽著
畢生輝酌議來說至湖廣銅本五萬未見作何遵
奉該撫按著卽奏來該衙門知道欽此欽遵抄出
到部送司遵卽呈堂咨行浙江湖廣應天各巡
撫并各都察院轉行各該巡按御史將欠銀奸
商勒限追比變產速完自行回

奏仍咨吏部挨查徇發各官見任離任履歷以便分別議罰又劄南戶部銅差主事畢生輝將銅鉛多寡并採辦接濟事宜遵

旨酌奏去後除畢生輝近經回

奏另疏具覆外所有徇發各官魏士前等四月十七日奉本部送准吏部回咨內稱魏士前見任山西陽曲道副使劉可法以工部右侍郎崇禎三年正月奉

旨着致仕去王永祚以工部都水司主事管六科廊

崇禎二年七月回籍守制翟師雍見任陝西布政使司左布政使分守關內道祝以函原任應天府府尹於天啓六年十二月加南工部右侍郎銜致仕武獻哲原任山西按察司副使職銜仍管戶部廣西司郎中原管銅差事於天啓七年十月改四川按察司副使管四川成都府知府事未任崇禎元年二月奉

旨清汰本部覆奉

欽依汰副使職銜俟陞任之日加陞一級本年三月

在籍守制杜汝懋原任陝西鳳翔府知府崇禎二年二月考察以原任戶部山西司署郎中事員外郎素行不謹回答到部奉批新餉司查議題覆奉此案呈到部該臣等看得軍興孔棘

國家不惜輕齎事例諸項權充銅本以資鼓鑄所望毋往于來相生不絕耳乃奸商王烈光曹策聶義汪有成高紹隆金守憲章元德金啓徐文達等取之有類胠篋比之竟成脫兔當時何緣取信而輕擲有用之金錢後來何故緩追而久

魁不丁之通案如劉可法翟師雍祝以函魏士
前王永祚武獻哲杜汝慈各官輕聽妄徇誠無
所辭責除劉可法祝以函已經致仕杜汝慈已
經閒住外翟師雍魏士前應於見任罰俸三月
武獻哲王永祚俟服闋之日罰俸三月蓋各商
執例請銀各官照例發銀亦自有不得不發之
勢而翟師雍等以地方官不體察地方之人武
獻哲以經手官不蚤結經手之事則未免於輕
率漫易也其各商所負銅本責令該府縣江防

錢法司等官嚴比親屬勘變產業而該撫按不時督催務令三窟之影匿莫施百足之營緩無力庶足完

國計而信

功令矣既經督臣回

奏前來相應覆

請恭候

命下臣部移文各該衙門督催完結回

奏施行

崇禎四年五月初十日具

題本月十三日奉

聖旨翟師雍魏士前各罰俸三個月武獻哲守俟補
任後照例行欠銅各商該管官嚴催完解

題敘楚省催餉京卿并完餉司府疏

題爲還餉完而又完臣力竭而又竭恭報徹底催
盡之數仰祈

聖鑒事專理新餉山東清吏司案呈崇禎四年四月
十七日奉本部送戶科抄出湖廣催餉京卿唐
暉題前事等因本年四月十五日奉

聖旨餉銀解到着照數查收唐暉任事急公本內所
薦各官酌量紀錄該部知道欽此欽遵抄出到部
送司具覆間案查先該本官題爲搜捐期禪實

用督解聊効微忱事崇禎三年十一月十九日
奉

聖旨這搜助銀兩着解到照數查收唐暉効勤急公
該部知道欽此欽遵除解到新舊二餉并搜括捐
助銀兩如數查收外所有紀錄各官相應併覆
案呈到部該臣等看得自有黔事以來楚中正
稌新餉皆不爲遘用完欠大數臣部第虛存其
籍而已自去年議還以後按籍索償藉口不前
臣始伏請差催而兼屬之寺臣唐暉以往暉於

時已承催京邊金花等項矣不督臣煩碎不卸
擔半塗殫力嘔心令前後正催帶催以及搜捐
共九十七萬一千餘兩而還餉俱已如額奉有
効勤急公之

旨紀錄優異當不待臣言之贅矣寺臣起家於楚輕
車所過者搜輒當甘棠之思無呼不酌如前疏
所稱司理齊安時商稅存羨如數家珍以質藩
司悉索以應仍得餘銀一千兩共襄盛舉於是
武昌府推官禹好善黃州府推官歐起鳴署布

政司孔榮宗推甘肅荷戈之苦酌盈補苴等語
之應與同知夏之彥知縣彭淳及先所荐德安
知府程策興國州知州崔允登澧州知州王敦
德景陵知縣楊一偶襄陽知縣王鰲永漢陽知
縣楊四知一體紀錄者也至於捐助諸臣芹曝
共獻

廟堂涓滴皆屬忠盡而寺臣搜括之一千兩司臣杜
詩捐助之二千兩與搜括之五千兩最多最先
亦應拈出以風好義者也其他

藩王郡宗堆貲讓祿縉紳守令隨分輸忱摠屬忠
君愛

國之心俱篤先公後私之念應與存案徐俟表章
再照布政使杜詩原以三年新餉未完一分臣
部議該降俸一級今寺臣報

命全完而細查批收俱已實收解到且其捐搜多金
尤方伯中所絕無而僅見者相應照例開復以
爲黽勉完公者勸也伏祈

勅下臣部將寺臣唐暉司臣杜詩孔榮宗與推官禹

好善殿起鳴知府程策知州崔元登王敦
縣楊一僞王釐永楊四知彭淳同知夏之彦
文吏部紀錄杜詩先隆俸一級准與開復庶
懲不相掩而吏治軍楮交賴之矣等因

崇禎四年五月十一日具

題本月十四日奉

聖旨唐暉孔榮宗禹好善等看吏部紀錄杜詩原隆
俸級准與開復

覆王新民援兵給餉規則疏

題爲勤

王臣子嘗分

天恩下逮踰涯敬陳感激深衷并歷來仰報始末以
明未盡捐糜萬一事專理新餉山東清吏司案
呈崇禎四年五月初二日奉本部送准兵部咨
該原任兵部員外郎王新民奏稱三屯之兵率
皆土著旣隸尺籍猶兼耕種月糧一兩五錢足
供日用而川兵客居故一兩五錢之外加塩菜

銀九錢給米一斛人始相安今臣之兵亦無
兵而糧同土著日給不敷等因四月二十一日
奉

聖旨該部知道欽此移咨前來案查本年三月初九
日先該臣部題爲軍務事議將周鴻圖兵月給
餉銀一兩五錢米亦在內塩菜三分於晉中補
支半文綬照秦兵之例月給一兩八錢不給塩
菜王新民所領募兵卽補三屯營未足額兵照
土著兵月給一兩五錢米亦在內不給塩菜在

年三月十三日奉

聖旨這發過王新民周鴻圖平文綬各兵月餉知道了俱依議行薊鎮新募土著曾否足數其王新民兵是否堪補著兵部酌議具奏欽此欽遵四月十五日又據王新民呈爲懇憐遠兵勤

王施恩額外等事欲分主客議增月餉緣繇該本部批此兵本部及兵部具題頂補三屯營募兵之數已奉有

明旨矣今王員外又有此呈本部不敢置之勿論而

奏議
卷之三
又不敢擅爲增加卽行督撫查議如前題未
悉聽酌改奏

請定奪業經咨行酌議去後今准兵部移咨查議聞
五月初六日又據王新民呈爲糧額不敷師難
夙飽懇祈速賜調劑以救然眉事內稱戔兵派
守三屯信地竟以客兵食土著之餉不及援兵
額例之半屢次控訴具呈復經自疏題

請至今未荷明示若不亟爲調停誠恐將來糊口不
能逃潰必至伏乞本部斟酌土客裒益盈虛

糧一兩五錢而外塩菜斛米或全與以昭一體之仁或半給以廣好生之德等因到部奉批此兵既有原疏速議題覆以便給餉卽照土兵之例亦可也奉此事關增加軍餉相應題

請案呈到部該臣等看得王新民一旅原從黔中糾集入衛臣部會同樞部填補三屯募額萬人之數卽已同主兵矣乃哓哓援客兵之例奢望塩菜月米無論募兵觀望藉口漸不可開而

明旨方新覲覲無厭臣恐日徇日加輾轉成例

批駁而各兵必欲得請而後已夫川兵黔
援在虜倣方殷之際以故行月兼支後難議
耳若王新民之兵則應募在虜倣旣退之後
矣據稱糊口不能逃潰必至是明示臣部惜
數錢將弁一兩五錢爲德不終也臣部萬不
已查得川黔秦翼明牟文綬之兵俱係後至
有月糧而無行糧每月以一兩八錢爲率內
一兩四錢米五斗作銀四錢願折者聽卽團
營上兵之例亦復如是然則新民之兵姑行

增除四月以前已照前例給發并自五月起與
秦翼明半文綬兵一體給銀一兩八錢至塩菜
口粮斷不敢徇恐牟秦二族又且以新民爲例
將濫觴而不可塞也恭候

命下臣部移文督撫并行薊鎮司道及王新民遵奉
施行

崇禎四年五月初十日具

題本月十四日奉

聖旨王新民兵旣填補三屯主額還當隨衆一體給

朝不使獨優着該督撫酌議來說

題報發過漕折閔寧克餉疏

題爲遼鎮百廢具興邊餉萬分難緩懇祈

特發塩菜行糧以救眉事專理新餉山東清吏司
案呈崇禎四年五月初七日奉本部送戶科抄
出本部題前事本月初六日奉

聖旨京軍四月改放倉糧暫那漕折濟關寧急需洵
屬便計如議速行欽此欽遵抄出到部送司案呈
到部該臣等加額

天恩隨劄太倉管庫主事潘永圖會同巡視科院分

發寧遠鎮班軍糧粟一萬四千兩四月分餉銀
三千兩秦兵五月餉銀一萬四千一百七十一
兩委官郭重詔領運山海鎮補還秦兵四月值
支過餉銀一萬三千六百九十八兩委官魯士
恒領運俱於初十日出城矣薊州鎮五萬七千
一百三十一兩委官曹愈新領運同新題管餉
員外郎李雲衢赴任帶去支給以上共兌解漕
折銀十萬二千兩臣部仍一面咨會撫督倉臣
劄行下糧廳坐派京軍四月分本色糧米倉口

訖一時京軍無米而有米萬灶蒸浮湛露開寧
無銀而有銀千屯渴慰油雲蓋不但臣部暫紓
燃眉之窘而民間亦頻歡平糴之

恩一權宜間而軍民京邊胥賴之矣除遵

旨速行外理合具本題

知

崇禎四年五月初十日具

題本月十三日奉

聖旨知道欽此

題請省直督撫認定軍餉疏

題爲因新舊兩餉之訕體中外急公之心懇祈
聖明申飭裁定撫按協濟銀兩務期全完以充實用
事專理新餉山東清吏司案呈崇禎四年四月
初五日奉本部送戶科抄出本部題覆湖廣督
撫軍餉生員優免緣繇本年四月初三日奉
聖旨據奏楚省軍餉無可搜解何以奉旨數年未見
該省撫臣明白聲說至今方行乞免前魏光緒疏
稱全書可考還著該部詳查確奏不必兩請其生

員優免銀依議行欽此欽遵抄出到部送司相應
查覆案呈到部該臣等看得督撫軍餉乃臣部
襍項中之一端非創起自臣也原該臣部尚書
李汝華集議條定以十分爲率自解一分助餉
而臣於元年申飭舊額亦謂天下無無兵之督
撫卽無無餉之省分其兵馬自應入衛其錢糧
宜有附餘故以協助爲督撫望耳若巡按無兵
餉則議及公費寧使繡斧甘寒儉之奉而問遺
安固陋之節亦萬非得已也今據楚撫魏光緒

疏稱該撫標練日食二分勢難復減而臣部持
兩端以

請仰荷

聖鑒謂全書可考不必兩請大哉

王言臣部可省商駁而各撫無難酌議矣臣因再閱
楚省全書存留項下開羨餘軍餉米折銀一萬
一千四兩八錢零聽辰靖軍餉支用派利辰州
軍餉米折銀五千六百三十三兩零解辰沅軍
餉支用練兵米折銀一萬兩解司聽支鎮遠倉

軍餉銀二千三百餘兩平溪倉軍餉銀一千三百五十兩清浪倉軍餉銀三千五百五十兩各府倉軍餉銀三千六百八十二兩零各州縣倉軍餉銀一千六百六兩俱存倉聽支以上七項共銀三萬八千九百餘兩而派額一萬五千兩實難取盈況夫信兵之額設未便全割別撫之遙制未便越俎臣部不能懸揣暗定所當仍令該撫卽不能取盈原額或量解數千自行酌奏者也然臣因楚撫之難前思及各撫之良不易

也無奈兵浮餉匱臣部遙定爲紙上之額關寧
卽實指爲口中之食致煩

聖諭叮嚀將督撫軍餉公費銀兩造入新冊交進

表宮類報於是眊勉急公者或隱然懷不可繼之慮
而躊躇無措者亦惕然抱不敢告之苦臣部謹
將節年完欠數目臚列於後查元年申定餉額
以來河道原派二萬一千兩元二年分全解三
年未解卽陽原派六百兩元二三年俱全解福
建原派三萬三千兩元二三年俱未解四年三

月內解到二萬兩該撫咨報未肯認爲年例
西原派六千兩元二三年每年止解二千兩南
贛原派三千三百三十餘兩元二三年分俱未
解廣東原派四萬一千兩元二年分未解三年
解一萬七千三百三十三兩又留抵解充行糧
銀一萬兩應天原派二萬兩止三年四月內解
到三千一十四兩零以上俱未認額而浙江原
派四萬二千兩則全未解夫

聖明在上誰肯以急公讓人且征調入援又復効括

助不少而軍餉一項或遲而不解或解而不全
臣固知各撫之力不從心者多也然與其虛懸
派額日費呼號不若實酌長便務求經久令各
撫臣儘力認解其實奏

聞庶可不爽期會耳至於巡按公費派額亦據全書
而定者也元年申派以來浙江巡按三千兩全
未報解巡撫六千兩元年未解二年全解三年
未解江西巡按二千兩元年未解二三兩全年
解福建巡按四千兩元年未解二年止解二千

兩三年未解湖廣巡按三千兩元二三年全解
解河南巡按四千兩元二年解訖三年未解
東巡按三千兩俱全未解山西巡按二千兩元
二三年俱全解河東巡按二千兩元二年全解
三年止解一千兩陝西巡按三千兩元二年未
解三年全解巡茶二千兩二年三月內解到三
千一十八兩零又本年六月內

奏留公費三千一百餘兩抵兌固鎮年例三年十
一月內解到二千兩甘肅巡按一千兩元二年

未解三年解到一千兩廣東巡按三千兩元年
未解二三兩年各認解到一千八百兩廣西巡
按一千兩元二三年俱全解北直順永巡按二
千兩元二年未解三年止解一千兩學院一千
兩元二三四四年俱全解長蘆鹽院五千兩元年
止解三千兩二年全解三年未解真定巡按二
千兩元年全解二年未解三年全解應天巡按
二千兩元二三年俱全解應天學院一千兩元
年未解二年全解三年解七百七十四兩蘇松

巡按二千兩元二三年全未解淮揚學院一千
兩元年未解二年全解三年未解淮揚巡按
千兩元年全解二三年未解兩淮鹽院六千兩
元年止解三千兩二三兩年全解臣竊料按臣
持斧一方且竭力括助以佐軍興而公費報解
參差不齊想因地方多事緩贖減少抑或聽首
所向適遭匱乏似不妨從實自認寧減而實勿
增而虛寧實而速勿虛而遲至於差內捐助自
屬盛舉然與其額外議助何如額內無損著爲

定例以當入孔是在各按臣之審處也伏祈

皇上垂念兵餉之溢額并

俯鑒撫按統轄之不齊斟酌年來完欠難易之數蚤
立今後中正畫一之規將原定督撫軍餉責令
各該督撫查照地方物力據實自認并巡按御
史公費俱照奉差煩簡自定爲額勒限解進以
濟然眉毋托空言而存虛額則關寧薊永實膏
賴之其楚省全書所載軍餉應否堪動亦聽該
撫另疏回

差既經該司覆覈前來相應覆

請恭候

命下臣部移文各該督撫并都察院轉行各省直巡
按一體遵奉施行

崇禎四年五月十二日具

題本月十四日奉

聖旨撫按軍餉公費解額不敷爾部卽叅酌地方物
力減派責成不必又令自認徒煩控額

覆關外餉司三年冬季分月奏疏

題爲月報收放錢糧事專理新餉山東清吏司案
呈崇禎四年三月初八日奉本部送戶科抄出
寧遠餉司雷一鳳奏前事報崇禎三年十月分
支放兵馬錢糧數目緣繇四年三月初六日奉
聖旨戶部知道欽此又該本官奏同前事報十一月
分支放錢糧緣繇四月初二日奉

聖旨戶部知道欽此又該本官奏同前事報十二月
分支放錢糧緣繇四月十一日奉

聖旨戶部知道欽此欽遵通抄到部通送到部該
司將料抄與文冊細加查對惟十月分黑庄家
營守備何鳴世下官兵餉銀冊撒浮於冊總
兵餉一十五兩四錢九分馬乾銀八錢九分
十一十二月分冊數與疏數欸欸符合相應題
覆案呈到部該臣等會同管理新餉右侍郎周
士樸查覈餉務戶科給事中許世璽看得一兵
一餉一馬一芻本折原無容參差而寧遠鎮無
援兵新募之紛糶無行月鹽菜之襍襍故開除

明而頭緒易見如餉司雷一鳳所報冬季支放
兵馬錢糧三疏臣等叅之文冊細加磨勘見其
四柱條分項款縷析較之關內頗覺清楚不費
研搜據開十月實在官兵夫匠共六萬六千四
百六十員名馬騾駝一萬四千九百二十二匹
頭牛九十九隻小車一百輛民沙船七十六隻
放過各營堡局站官兵夫馬糧草并各衙門公
費工食及補支等銀共一十二萬二千九百二
十二兩三錢八分四釐六毫九絲米三萬六千

八百七十一石三斗八升六合七勺豆一萬三
千一百四十石八斗四升內查守備何鳴世下
兵餉冊總較撒少開一十五兩四錢九分馬乾
冊總較撒少開八錢九分是撒浮於總扣除未
悉原非冒濫者比應令改正至十一月分實在
官兵夫匠共六萬六千四百八十三員名比十
月新收二十三名馬騾駝一萬五千一百二十
六匹頭比十月新收三百零四匹牛一百九隻
比十月新收十隻小車一百輛與十月同民沙

船七十四隻比十月開除二隻放過銀共一十二萬四百四十兩八錢四分五釐七毫米三萬三千五百四十五石三斗八升六合八勺六抄豆一萬二千九百六十六石六升十二月分實在官兵夫匠共六萬六千三百四十一員名比十一月開除一百四十二名馬騾駝一萬四千九百八十三匹頭比十一月開除一百四十三匹頭牛一百一十一隻比十一月又多二隻小車六十輛比十一月開除四十輛民沙船七十

四隻與十一月同放過銀共一十二萬五千四百一十四兩三錢四分四釐六毫八絲米三萬六千九百九十石七斗六升五合二勺豆一萬二千八百五十六石八十以上十一十二兩月疏冊之數目及項欸之總撒對同無訛除十月分黑庄窠管冊開總數少餉乾銀一十六兩三錢八分行令查明改正外其餘新收者餉與俱增開除者糧與並減補支截扣各還其分數則亦無容於吹索矣恭候

命下臣部劄行該鎮餉司遵奉施行

崇禎三年五月十三日具

題本月十五日奉

聖旨知道了差數查無別弊改正行

覆關內餉司三年冬季分月奏疏

題爲月報收放錢糧事專理新餉山東清吏司案
呈崇禎四年正月初二日奉本部送戶科抄出
山海餉司林玄奏前事報崇禎三年十月分收
放錢糧緣繇本年十二月三十日奉

聖旨這十月分兵馬錢糧數目知道了該部知道欽
此又該本官奏同前事報十一月分兵馬錢糧
緣繇崇禎四年三月二十五日奉

聖旨該部知道欽此又該本官奏同前事報十二月

分兵馬錢糧緣繇本年三月二十五日奉

聖旨該部知道欽此欽遵通抄到部送司該本司將
科抄與文冊細加磨對逐一清查十月分中部
奇左營廩餉總數多開二寸八兩二錢又多開
馬乾銀七錢右部奇中營廩餉撒數多開一兩
五錢軍匠局廩餉總數多開六錢八分十一月
分所放本折總撒相投䟽冊符合十二月分奏
䟽總撒無差惟冊開右部正武步右營按撒止
該米九百六十八石總開九百七十四石多支

米六石草止該八百零三束總開八百九十三束多支草九十束通經查明相應題覆案呈到部該臣等會同管理新餉右侍郎周士樸查覈戶科給事中許世璽看得月奏之設原以慎出納而清混淆故一字之疑亦當入

告虛懸之說不能稍隱亦以防微而杜濫也令按山海餉司林玄所報冬季三疏而詳核之十月分實在官兵衙役共二萬九千二百一員名馬騾駝二千六百八十五匹頭沙虎遼船四十四隻

共放過各營餉乾船稅并各衙門公費工食等
銀七萬七千七百七十三兩七錢三分二釐六
毫行月米一萬五千四百八十一石七斗五升
五合料豆三千四百九十三石二升內查中部
奇左營并軍匠局廩餉馬乾銀總浮於撒是爲
多支共多銀二十九兩五錢八分相應查扣不
准開銷其奇中營廩餉撒浮於總一兩五錢查
明改正十一月分實在官兵衙役共三萬二千
六百七十八員名較之十月又增三千四百七

十七名馬騾駝二千七百八十三匹頭較之十月亦增九十八匹沙唬遼船四十二隻較之十月少船二隻共放過銀四萬九千七百九十六兩八錢一分四釐八毫行月米二萬六百六十七石八斗五升料豆三千九百八十一石八斗二升各衙門大馬穀草九千八百二十八束冊疏互質總撤無訛其十月兵少而支餉獨多十一月兵增而支餉反少者則以十月有補支前月所未發而十一月有附支折色於薊永雖多

寡相殊實無重冒相應准其開銷者也十二
分實在官兵衙役共三萬三千一百七十一員
名較之十一月又多四百九十三名馬騾駝二
千八百七十二匹頭較之十一月又增八十匹
匹沙唬遼船四十二隻與十一月同共放過銀
四萬八千九百五十一兩三錢六釐行月米一
萬七千七百九十三石五斗一升料豆一萬四
百二十二石一斗三升各衙門大馬穀草七萬
四千三百二十四束內查右部正武步右營

馬糧草疏總與冊總無異及查冊撒則總數多
米六石多草九十束是所放之數溢於應支之
額矣相應查扣不准開銷良以兵馬更調不常
本折煩襍不齊銖銖粒粒而計之勢不能無毫
末之差錯要與釐正大數還符月額原無別弊
可免深求但令該鎮餉司懲泊違玩書役使後
來握算者人皆凜凜不敢有易心可矣既經該
司查明案呈前來相應具覆恭候

命下臣部行文該鎮司道遵奉施行

崇禎四年五月十三日具

題本月十五日奉

聖旨餉冊銷筭宜清這林玄冬季所報如何疏冊報
撒互有參差念爲數不多姑着查扣改正書役徵
處以後還加詳核欽此

覆津部奏繳河南二三兩年召買疏

題爲河南兩年召買事竣謹遵例

奏繳并叙在事効勞官員以昭激勵事專理新餉
山東清吏司案呈崇禎四年四月初五日奉本
部送戶科抄出天津督餉部院程鳳翀御史吳
煥各題前事等因本年四月初三日俱奉

聖旨戶部知道欽此欽遵抄出到部送司案查崇禎
二年分原派河南彰德府買米一萬八千石衛
輝府買米一萬二千石二府共派買米三萬石

銀石是屬價一兩三年分展派彰德衛輝等處
各買豆五千五百石銀石是屬價五錢五分
應定動支本省糧項銀兩不足者動支京邊
運後冊報銷案在案今查二年分彰德府買
米一萬八千石止動支過糧項銀一萬七千
十兩七錢一分八釐外節省銀九百四十五兩
四錢三分五釐惟林縣買米二千一百石多用
銀六兩一錢五分三釐不准開銷衛輝府買
米一萬二千石照一兩之例動支過糧項新

銀一萬四百四十兩不足用京邊銀一千五百六十兩相應本部撥補三年原派彰德府買完豆五千五百石每石五錢五分動支過襍項三千三百七十兩七錢八分五釐並無節省內安陽縣多用銀三百三十兩臨漳縣多用銀一十四兩三錢涉縣多用銀一兩四錢八分五釐俱不准開銷該府冊報各縣自行設處補還衛輝府買豆五千五百石每石五錢五分動支過襍項銀三千二十五兩並無節省案呈到部該臣

等看得關寧供億殷繁近

畿及東交州縣不能多爲召買萬不得已而假一臂於中州之彰衛二府米定一兩豆定五錢五分坐定襍項新餉銀兩誠不欲以千里之遠輸旣勤其力而又困其財也二三兩年以來舟車人力肩輦相望於津門而臣部得藉力諸良有司以塞饑軍之叫號雖

聖明在御將事恐後而該道府屬震隣共濟之誼臣部身受其福緇衣一念當不後於津餉部院

臣也其節省銀兩解歸正額并多用京邊卽令
於該省二年未完襍項一萬九百餘兩內聽該
省布政司撥還抵補外如津部餉院所敘原任
分守河北道今陞宜府副使范鑛起家新餉在
買料料之事歷練已熟嘔心裁節多方應手督
促畢赴應從紀錄以風秉憲衛輝知府苗自成
彰德府署印同知王先鐸輝縣署印衛輝府推
官曹夢吉急公風行郡邑攝事雷動舟車皆實
心從軍興起見者均應紀錄磁州知州高紹光

安陽知縣張聚秀臨海知縣許國士林縣知縣
相大成淇縣知縣崔庚胙城知縣郭承蔭以上
各官匍匐緩急之義患切軍饑繇已題勉徵發
之會力圖平糴濟師在地方不失撫字而在臣
部不費催科所當紀錄優擢行取以勸其後者
也既經會題前來相應覆

請恭候

命下臣部移文吏部并咨河南撫按遵奉施行

崇禎四年五月十五日具

題本月十八日奉

聖旨是欽此

覆科臣張國維條議催科考成疏

題爲催科乃廉官第二義謹酌陳緩急之宜以濟
變通事專理新餉山東清吏司案呈崇禎四年
四月十五日奉本部送戶科抄出吏科右給事
中張國維題前事等因本年四月十四日奉

聖旨獎廉懲貪收時急務然錢糧考成正足徵驗吏
治廉吏操守清嚴耗羨無營胥役畏法惟正之供
民尤樂輸豈至催科生擾但賦額煩簡難易委實
不同這本說分別酌定亦是一見其選期增補甲

科是否畫一可行吏戶兩部確議具奏守令不許
輕調已有屢旨了該衙門知道欽此欽遵抄出到
部送司除選期增補甲科應聽吏部議覆外所
有錢糧考成相應酌覆案呈到部該臣等看得
良吏之善徵於民也時其疏數而無殫民力猶
良農之善殖於地也審其更休而無殫地力昔
人催科政拙者考中上豈其

聖明在御獎廉勸慈而頃反之亦惟是東西交訐遠
鮮疊運金山之坐食欲消濞井之衆酌易竭不

得已先兵後民取道繁策以爲良有司累耳臣
部節次條上兵食大數冒昧越俎以抽減冗兵
爲請私心竊憂夫馬力已竭再鞭虞蹶徐圖兵
民兩便之長計不意科臣先已慮及也謂錢糧
不可不清而清之當有次第考成不可不覈而
覈之當近人情卅臣語語可經久而臣亦件件
酌時宜如所云欠有多寡有久近積欠者之完
九分勝於積完者之及十分此議可通融行也
前人積欠不完後人徵新找舊所在有之合無

如科臣所言於查叅完欠之日以欠多而久者
之完九分當欠少而近者之完十分量免叅罰
亦紓催科之一便也所云賦有煩簡有難易賦
多者之稍後差可比賦簡者之先期此議可通
融行也瘠土少固爲累沃壤多亦易逋勢使之
然合無如科臣所議於查叅完欠之日以多而
及額之稍後與寡而及額之最前一體紀錄亦
平勸懲之一便也蓋臣部京邊舊餉省直查叅
疲瘠州縣原分上疲中疲而新餉則否今似不

妨稍從推廣量爲寬貸也至如所云某項可以
月計某項可以歲計某項可以見取某項須用
帶追此議尚俟商酌行者臣部六七兩年未蠲
新餉已議定每年帶徵二分原未敢一時取盈
其現徵正襍二項新餉雖勒有正月初限四月
二限六月三限八月四限全完之程而緩急相
左今尚不能了初限之額則漸次計額以領畧
科臣所言咀嚼之味或亦不致大相矛盾也但
民情喜寬而厭煩軍需則利速而惡遲科臣所

總總者治本之上策而臣部所不能不切切
治標之急劑是在良有司察已急公如

明旨云錢糧考成正是徵贖吏治廉吏操守清嚴耗
羨無嘗有役良法惟正之供民尤樂輸者寧完
勿欠寧先勿後使吏科臣緩二之美意與戶科
臣限單之苦心並行不悖是在

天語之申飭耳既經科臣具題前來相應要

請恭候

命下臣部核文各該衙門新舊錢糧一體遵奉施行

崇禎四年五月十四日具

題本月十八日奉

聖旨賦額煩簡難易考成委宜酌裁但不得藉口通融致紊成法還著舊一行查覈錢糧該部自有職掌何必因言官條議輒以美意苦心委曲稱獎至咀嚼之味一語是何文理該司官姑不究欽此

覆督餉部院奏繳薊永水陸二運事竣疏

題爲總報薊永水陸二運事竣謹查覈糧料草束
實數

奏繳并叙在事効勞官員以昭激勸事專理新餉
山東清吏司案呈崇禎四年二月初二日奉本
部送戶科抄出天津督餉部院翟鳳翀題前事
本年正月三十日奉

聖旨戶部覆議具覆欽此又該督餉御史吳煥會題
前事二月初一日奉

聖旨已有旨了該部知道欽此欽遵抄出到部送司
相應覈覆案呈到部該臣等看得勦永兵馬所
需糧料向出本地召買無事轉運之煩客歲因
虜倣孔棘援兵四集於是藏漕糧增預計而輪
蹄舟楫之役興矣年來士馬飽騰名城恢復全
賴此本色接濟言念舟車所至孰非人力所通
此帑餉部院臺臣所以事竣

奏繳而并在敘事効勞官員也謹按原疏而覆覈
之在薊鎮共計水陸二運發過漕米二十六萬

六千七十七石九斗內繇水運薊米一十五
二千八百三十一石四斗掛欠五百五十石
斗餘俱獲有實收繇陸運薊鎮米十萬六千
十四石五斗運三河米四千七百三十七石
斗運寶坻米二千四百二十四石五斗共運
米一十一萬三千二百四十六石五斗內二月
初八日遇虜失去三十一石七斗隨據報部准
與開銷餘俱獲有實收此皆漕米之數也料豆
共計運發過九萬四千四百二十三石一斗一

升內屬買運豆萬三千六百五十二石
密屬買運一萬七千八百石保定府屬代買
買運一千八百二十石天津代買霸密二屬
免并代固安縣轉運及補買額運料豆共水
運過二萬一千一百五十石八斗一升津門
運草一萬束水運草二千一百五十束俱已
有實收此皆因虜患兵集而代蘄買運之數
其在永鎮除豆原係關外額豆撥卸已於
運疏中具覈外原撥漕米四萬石併賑米

石亦在其內已獲實收米三萬六千六百四十
五石掛欠未獲實收米二百三十四石五斗遭
風漂失米三千一百二十石五斗而運發永鎮
漕米之數亦已悉矣蓋薊運繇新河一帶頗稱
安流永運航海而東與關寧之茫茫巨浸者正
同兼以創始之初難保萬全然糧僅四萬石輒
漂失至三千一百二十石則運官船戶能保無
侵費乾沒之弊乎運官高壘婁志遠王夢虎雖
經革戒仍當覆查根究酌量追補使無遺奸渾

部又稱多運薊豆七千五百三十五石一斗應
於關寧召買項下通融抵筭仍令薊州餉司查
報開銷以補四年之不足可也其所舉在事効
勞各官文職除天津餉道張志芳餉司樊維城
催督手口交勞收放心血幾瘁已經關運疏薦
另行查覆外如陸運餉司姬文郁耐勞力可兼
人應劇才不擇地驅馳於層氷積雪之中日與
車夫舟子同甘苦應與紀錄以獎勞勩武職如
督運遊擊孫應龍陸運餉司中軍加銜守備梅

應文陸運加銜都司徐士昌陸運加銜守備王
士起陸運巡捕守備高其猷陸運千總黃加英
陸運加銜守備王澤遠陸運千總郭應麟水運
委官百戶張世武水運聽選主簿李國棟水運
委官劉承胤以上各官車轍水際險阻備嘗粒
米束芻交割惟謹雖弁流之本分亦

主事之獨勞應與一體敘錄者也至於未獲實收者
刻期償卸遭風漂失者查果無弊照例追還脚
價倘有乘機侵隱之情亟行追究其起卸掛欠

卽於船戶名下照數追完補交庶勸典導於前
稽覈密於後而人皆黽勉急公不致因緣爲祟
運務大有裨益矣旣經督餉部院及臺臣會題
前來相應覆

請恭候

命下臣部移咨吏兵二部并督餉衙門遵奉施行

崇禎四年五月十五日具

題本月十八日奉

聖旨姬文郁孫應龍等准與紀錄高壘等漂米數多

還著督餉御史嚴行根究有無情弊酌量追補併
未獲實收的刻期償卸其津部多運薊豆抵筭開
銷如議行

覆秦省練撫續報增認襍項疏

題爲續報增認襍項遼餉額數事專理新餉山東
清吏司案呈崇禎四年三月十二日奉本部送
戶科抄出陝西巡撫練國事奏前事內開本省
稅契銀部派一萬兩先已報認三千九十一兩
三錢三分今行據西安鳳翔臨洮漢中興安五
府州再增認三千四十七兩優免銀部派一萬
九千九百八十一兩先已報認六千三百八兩
五錢三分九釐今行據西安府再增認銀一十

九兩三錢二分七釐外生員優免西安等七府
并興安州共報過一萬二千四百八十四兩延
安府屬因流賊擾亂尚未暇造報等因本年三
月初十日奉

聖旨戶部知道欽此又該巡按監察御史楊通宇會
題前事本年四月二十日奉

聖旨該部知道欽此欽遵抄出到部送司相應題覆
案呈到部該臣等看得新餉襍項臣部入數之
定額也據派額以準兵餉尚慮出浮於入而費

減不已餉源何慮不竭三秦物土冠西北宦籍
多貴故臣部前拈出稅契優免二項以求如
額亦課富不課貧課貴不課賤之苦心也年來
災祲相仍寇盜充斥雖有沃壤安知不置爲甌
脫雖有冠裳安知不患同襁褓該撫素切急公
其疏稱萬難多增之狀度非曲徇

請者臣部當餉額不敷之日非不欲再行商駁但念
地方多事

聖明瞻焉西顧尚在議賑議蠲而臣又安忍急軍而

緩民顧東而遺西也令無將秦省稅契銀增
三千四十七兩合前認三千九十一兩三錢三
分優免銀增認一十九兩三錢二分合前認六
千三百八兩五錢二分通共襍項六萬九千三
百五兩八錢零以四年爲定額載入考成毋容
虧少其二三年未完四萬六千八百餘兩仍令
速行措解接濟匱乏誠有不容借口災荒而度
外置之者矣至於生員優免不在此項其西
七府興安一州報銀一萬二千四百八十四兩

并延安一府未經報冊姑聽另項報解實於雜
項六萬九千二百餘兩無與者也既經續增
奏報前來相應題覆恭候

命下臣部移文該省撫按并藩司衙門遵奉施行

崇禎四年五月十六日具

題本月十九日奉

聖旨秦省認報襍項銀數依議從四年爲始載入考
成其二三年分未完四萬六千餘兩念本地兵荒
姑與蠲免欽此

罷議徐州商稅鈔額疏

題爲微臣于役災地城無民居商不出途心血已
嘔稅額尚虧謹先事剖明仰祈

聖鑒事專理新餉山東清吏司案呈崇禎四年四月
十四日奉本部送戶科抄出鳳陽巡撫李待問
題前事等因本年四月十二日奉

聖旨據奏徐城連被河患物力未裕知道了還着嚴
飭地方官悉心撫循預備隄築不得以空言塞責
其解稅缺額該部酌議具覆欽此又該直隸巡按

御史史堃題同前事本年四月十七日奉

聖旨已有旨了該部知道欽此欽遵抄出到部送司
除預備堤築一款聽工部奉行外所有解稅缺
額相應酌覆案呈到部該臣等看得徐州當江
淮孔道固商賈所走集而化居之奧區也天啓
五年與各關同時加額淮徐二倉各每年一萬
五千兩蓋緣前任主事張璇兩年積羨三萬之
例而以稅銀佐其乏似經久可行者卽崇禎三
年二月內臣部再議措餉一疏亦又叮嚀一番

矣乃管倉主事林鍾以缺額控額仰煩

明旨令該撫按查明具奏臣部計切匱乏每遇司屬
告苦輒批駁不行以杜濫觴林鍾不得請於臣
徑疏

聞小臣苟可得已當不敢以虛詞覬寬政也今據該
撫按覆疏所稱徐地陵谷變遷魚民易處之光
景備極蕭條而貿遷之稀少加以虜警之却避
其稅無贏餘知爲確情矣查林鍾五次解過二
萬八千兩而疏稱未盡之數尚需差滿之日量

力續解近又解二千四百兩矣較諸定額尚
一萬四千餘兩比之前差史啓元已覺相當
時酌勢似可姑從所請俟回部日臣部另爲
覈者也雖然徐之苦於不足者商稅也昏墊之
後商稅誠難以多冀徐之儲於有餘者糧折也
積逋之多糧折尚可以撥抵查得徐州額設
福廣運二倉所收本折米麥專備本衛軍行
糧及江北運軍行糧之用原自支銷不盡但
有派在江南者徂逋爲常先是林鍾申詳臣部

剩有鞭長不及馬腹之憂若糧折盡完豈艱歲
額哉該撫按疏云時勢不同倉收前多而後寡
亦是常事此後年穀順成催征有法安知不前
寡而後多也今自崇禎四年爲始申飭該倉司
官仍當努力足額以克軍實毋得坐聽逋延而
成烏有如果隔遠地方拖欠成習卽覈實具奏
臣部覆令照數起解入京以抵該倉之缺額亦
屬便計今誠不敢曲爲寬假以開異日人人自
便之路者也旣經該撫按會題前來相應覆

請恭候

命下臣部移文各該衙門遵奉施行

崇禎四年五月十七日具

題本月二十一日奉

聖旨徐城商稅既有糧折可抵何故前多後寡輒以
隔遠地方拖欠爲解還着嚴飭該倉司官務期督
催足額如果州縣玩延卽指實奏報以憑部議不
得藉口朦卸

覆津部題敘東莞二三兩年召買官員疏

題爲東莞二府兩年召買事竣謹遵例

奏繳并敘在事効勞官員以昭激勸事專理新餉

山東清吏司案呈崇禎四年二月二十六日奉

本部送戶科抄出天津督餉部院翟鳳翀御史

吳煥各題前事等因本年二月二十三日俱奉

聖旨戶部知道欽此欽遵抄出到部送司案查崇禎

二年分原派東昌兗州二府各買米一萬五千

石每石連腳價一兩各買豆二萬石每石連腳

價五錢五分三年分原派東莞二府各買米
萬五千石每石連腳價一兩各買豆三萬六千
石每石連腳價五錢五分准留稌項新餉并坐
定太倉銀兩不足者再行撥補今查二府兩年
派買米豆俱照數分派所屬州縣買完運發
內二年分東昌府買米節省銀六百三十二兩
二錢五分買豆節省銀一百九十五兩兗州府
買米節省銀八百三兩二錢買豆節省銀一千
二百一兩五錢除查明銷筭外所有薦舉効勞

官員相應議覆案呈到部該臣等看得東充距
津千里祇以舟楫可通臣部徃以召買之後派
令分給津島二三年來掉河東之舟以走津門
可謂疲於奔命矣所賴

主上如天之福東土歲不甚儉而地方良有司實心
從軍興起見莫不日夕水競以赴期會卽未有
節省者津門已蚤得其飛輓之力而申報有節
省者臣部更受其留餘還額之賜也除多運過
蘄門豆七千五百三十五石一斗業於蘄來水

陸二運事竣疏內覆明核作四年銷算其多
見在貯津豆三萬四千七百八十五石四斗五升
應存備運無疑矣如所敘左布政使陳應元
出濟川之手擘米塩之瑣屑運籌邊之略試驗
輓之緒餘蓋無顆粒不與銖兩稱者誠大有裨
於軍興矣應從紀錄以酬勞績東昌知府葉宰
清風速萬斛之舟大義急千倉之匱洵潔已廉
屬者東昌府同知朱邦俊值代庖而謹供億儲
牧圉而裕軍實均應一體紀錄者也曹州知州

胡璉東阿知縣李經世勝縣知縣荊爾植澍縣
知縣蕭譽魚臺知縣鄭滂陽穀知縣李寅賓汶
陽知縣詹胤昌恩縣知縣劉含輝堂邑知縣韓
法愈原任夏津縣知縣今調長蘆塩運司運判
王之禎范縣知縣翟師有原任單縣知縣今陞
河間府同知王萬年博平知縣姚世雍鄆城知
縣孫繼陞以上州縣各官旣惠愛此一方民不
敢科累錙銖又珍惜此有定餉不忍濫擲泥沙
平糴而吏欲腹實運而鼠無肥相應紀錄優擢

以信

功令者也伏祈

勅下吏部將布政使陳應元府州縣官葉宰等紀錄
優擢庶良有司知勸而軍興亦可藉以鼓舞矣
崇禎四年五月十七日具

題本月二十日奉

聖旨是吏部知道欽此

覆津部題敘霸密二三兩年召買官員疏

題爲霸密兩年召買事竣謹遵例

奏繳并敘在事効勞官員以昭激勸事專理新餉

山東清吏司案呈崇禎四年四月二十八日奉

本部送戶科抄出天津督餉部院翟鳳翀督餉

御史吳煥各題前事本年四月二十六日俱奉

聖旨戶部知道欽此欽遵抄出到部送司案查崇禎

二年原派霸州道屬買豆二萬五千石密雲道

屬買豆一萬五千石每石俱定價五錢五分俱

用襍項新餉不足者動支京邊通融撥補
分原派霸州道屬買豆六萬石密雲道屬買
二萬石俱定價五錢五分照例留用襍項新餉
并坐定太倉銀兩不足者再行部發適值虜倭
正急霸鎮應用本色數多議將霸密二屬預計
豆八萬石改運薊門嗣因二屬間有殘破見告
除減免外霸屬實應買運薊豆五萬三千六百
五十二石三斗密屬實應買運薊豆一萬七千
八百石至於價值因虜患之餘收買維艱隨地

酌增多寡不等大都無逾八錢之外今查兩年
召買俱已全完價值亦經本部銷筭補祭明白
所有薦舉各官相應議覆案呈到部該臣等看
得霸密二道屬地依

日月誼切纓冠召買一役臣部原藉其呼應就手緩
急先赴耳不圖三年預計之後卽值虜警以故
二年定價五錢五分而三年輒未免告增時勢
使然臣部何敢拘泥成例而重因此瘡痍之民
也今查霸屬豆價以東安易山鄉縣每石之八

錢折衷於文安永清等縣每石之七錢折
爲最奢客屬豆價以通州三河每石之八錢折
衷於寶坻平谷每石之六錢五分則武清知縣
王國訓所定每石六錢爲最廉惟是派買未善
致士民有口而涿州知州李國俊報價至一兩
三錢雖未必有心虛開而爲數頗浮查該州原
未遭兵火之禍臣部已照通州三河虜騎往還
之地每石八錢批給無容再議其督部疏中
給價值臣部已經劄庫盡數找發若固安義官

陶孟登并塩當二商被虜殺傷之七百七十餘石又被虜踐食二百餘石俱經查明准其豁免則兩年在事各官誠不容已於叙錄矣如密雲管餉主事孫士髦薊鎮管餉主事蔣範化胸有成筭運無稽程發價則畏嫌若免收事則革陋如滌誠有如督部餉院所稱者應從紀錄以彰勞績原任霸州道今陞永平副使方一藻密雲道叅議孫止孝薊州道僉事左應選足兵先之足食平價妙於節價急公風行於郡邑飽騰威

壯於行伍併應紀錄以需大用文安縣調繁
縣秦世英保定縣知縣常維翰清心敏手不假
吏胥一顆一釐買運寬平民間若不知有召買
然者洵濟時之良均應紀錄以需行取者也伏
祈

勅下吏部將司道孫士髦蔣範化方一藻孫止孝左
應選知縣秦世英常維翰一體紀錄優敘施行
崇禎四年五月十七日具

題本月二十一日奉

聖旨是吏部知道欽此

覆督餉部院薦敘畿南各府兩年召買官員疏
題爲薦敘召買有司事專理新餉山東清吏司
呈崇禎三年十二月初十日奉本部送戶科抄
出督餉御史沈猶龍題前事薦敘真保河等府
屬二三兩年召買官員緣繇本年十二月初八
日奉

聖旨該部知道欽此欽遵抄出到部送司案候類覆
聞崇禎四年二月二十六日奉本部送戶科抄
出天津督餉部院翟鳳翀題爲順廣大三府兩

年召買事竣謹遵例

奏繳并敘在事効勞官員以昭激勸事又該督餉御史吳煥會題前事本年二月二十三日俱奉聖旨戶部知道欽此又該津部翟鳳翀題爲具保河三府兩年召買事竣謹遵例

奏繳併敘在事効勞官員以昭激勸事三月十六日奉

聖旨戶部知道欽此又該督餉御史吳煥會題前事三月十八日奉

聖旨戶部知道欽此欽遵通抄到部通送到司查得
崇禎二年分真定府屬原派買米三萬三千石
減買二萬三千石派豆四萬石保定府屬買米
二萬八千石減買二萬石派豆四萬石河間府
屬原派買米二萬五千四百二十石減買一萬
八千四百二十石派豆三萬石順德府屬原派
米一萬二千石減買三千石派豆二萬石廣平
府屬原派買米一萬五千石減買一萬一千石
派豆二萬石大名府屬原派買米二萬五千石

減買二萬三千石派豆二萬五千石以上六
二年分派買米除減免外實該買米九萬八千
四百二十石原定每石連脚價一兩共派買豆
十七萬五千石原定每石連脚價五錢五分後
該保定巡撫解經傳題爲畿南疊罹異常災祲
一疏於元年十二月臣部覆議量減額米之外
仍增豆價每石五分崇禎三年分原派真定府
買米二萬三千石豆七萬五千石保定府買米
二萬石豆七萬三千石河間府米一萬八千四

百二十石豆五萬三千石順德府米三千石豆
四萬石廣平府米一萬一千石豆四萬一千石
大名府米二萬三千石豆五萬三千石以上六
府三年分派買米共九萬八千四百二十石每
石定價一兩共派買豆三十三萬五千石內保
定廣平二府豆價以兵荒缺豆議每石運腳價
六錢五分其餘俱五錢五分今查各府兩年所
派米豆俱派各屬州縣買完運納除查明銷筭
外所有薦敍各官相應議覆案呈到部該臣等

看得召買一役原屬平糴非用厲民米定價
兩豆定價六錢上下物土之宜而時其稔歉臣
部藉手良有司以果關寧之腹而該良有司亦
各殫力苦心仰急軍興之煩糜俯勤院道之期
會二三兩年告有成事臣部亦已令盤打笑前
後俱已清楚坐派有餘者留作四年買價坐派
不足者照數發銀抵補分別敘錄以勸前而獎
後如津部臺臣所題薦者不容不據實彙請也
除真定知府侯應琛在事勞不可泯

大計已經論調與保定府同知王象復永平府推官
屈宜揚刑臺知縣趙秉衡無極知縣李負本良
鄉知縣石鳳臺肅寧知縣王景祚以上各官俱
經計劾并曲陽知縣李諍唐縣知縣李三輔近
經督學御史霍鏌糾劾俱不敢槩敘又文安今
調密雲知縣秦士英保定知縣常維翰見在霸
密二屬召買疏內敘覆不敢重敘外如原任大
名知府今陞大名道盧象昇原任順德知府今
陞湖廣道金之俊河間知府石文器舊勞與新

猷並茂歌棠共挾績胥歡均能率屬勤輸供億
無闕允稱師帥之良巖疆倚賴實多所當一體
紀錄者也真定同知署冀州事張夏茂推官劉
正宗通判署獲鹿縣事黃禎胤順德府推官今行
取方之翰大名府推官署元城縣事今行取李一
鵬廣平府同知署雞澤縣事馮淳推官署府事
葛含馨保定府通判署完縣事唐可大河間府
同知署獻縣事白麟推官呂弼周以上各官或
代庖運成風之斤輸輓速於置郵或查覈瑩行

水之照顆粒不容黠鼠均應紀錄以示優異定
州知州王都薊州知州陸芳裕清豐知縣今行
取宋應亨元氏知縣今行取戈允禮邯鄲知縣
今行取趙振基永年知縣今行取趙志孟濬縣
知縣張肯堂雞澤知縣陳于階南樂今調滑縣
知縣孫晉安肅知縣荆永祚河間知縣原毓宗
內黃知縣楊雲梯長垣知縣張國臣樂亭知縣
李鳳翥新城知縣今行取丘民仰吳橋知縣畢
自寅南和知縣今陞岳州府通判許善所鉅鹿

知縣李應節沙河知縣左佩珰雄縣知縣許
雋束鹿知縣閻炤青縣知縣今陞永平府通判
臧嗣光新樂知縣今陞永平府通判于琇樂城
知縣榮本仁寧晉知縣今陞永平府同知張維
高陽知縣王者佐平谷知縣劉明彥唐山知縣
張講內丘知縣今丁憂雷鳴時阜平知縣郭光
裕贊皇知縣楊承誨新安知縣今陞保安知縣
胡士棟魏縣知縣今行取朱賢永清知縣李
成安今調繁寶坻知縣李崇一肥鄉知縣譚誠

言威縣知縣楊惕知平鄉知縣朱啓元任丘今
調繁遵化知縣郭凝陽靜海今調繁清苑知縣
吳宇英阜城今調繁任丘知縣楊楚龍棗強知
縣張文燦南皮今調繁交河知縣王所須定興
知縣張金門饒陽知縣王家相寧津知縣今陞
絳州知州朱佳齡故城知縣睢坤慶雲知縣今
陞永平府通判袁敬教慶都知縣陳嘉賓以上
各官心軫芻牧計先庚癸料量平而市肆不驚
物價時而吏胥惟謹使關寧收鼓腹之效而地

方無抑勒之擾俸滿者屈指清華留任者需
召用而臣部在餉言餉不敢溢美於召買之
均應從紀錄者也伏祈

勅下吏部將津部翟鳳翀督餉臺臣沈猶龍吳煥所
敘二三兩年召買有司盧象昇等一體紀錄
勞吏知勸而軍興之鼓舞不虛矣

崇禎四年五月十九日具

題本月二十三日奉

聖旨是吏部知道欽此

覆劉太常條議暫免順永召買疏

題爲

天心之仁愛無已伏乞

皇上軫念畿民旱需

湛恩以蘇子遺事專理新餉山東清吏司案呈崇禎
四年五月初九日奉本部送戶科抄出太常寺
少卿劉漢儒題前事內開順永二府召買苦累
欲立限三年免派令各臨清天津河西務等處
分買俟民力稍復或可再派之有司此直可行

之順永二府他處不得援以爲例等因本年五月初七日奉

聖旨援師擾害居民召買暗行派累屢有諭旨禁飭何曾三令五申乃地方官置若罔聞深可痛恨劉漢儒這奏覽之惻然薊東一帶安置客兵招撫並移著該督撫加意整理如有縱兵擾民的查明將領正罪順永二府被患最苦非他處可比其應辦米豆暫令臨津等處餉司分買以寬民力事屬可行著該部議覆至有司尅價強派及吏胥通同姦

納勒索等弊著該撫按與督餉御史速遵前旨嚴
行訪糾如該部發價扣尅短少亦著指實奏明不
許含糊該衙門知道欽此又准戶科抄叅看得畿
民而至今日一大劫運也向苦虜繼苦兵又苦
召買補瘡而肉已剝皮盡而毛難附近畿皆然
而順永被患尤甚

聖明業已照此逃亾之屋矣除兵隸樞部安置正理
無以援師擾害民者自仰體加意之

旨急爲安輯之計至於召買米豆事關計部速將召

買價加派給餉司照數分買弗復委之州縣
爲召買賣加派民間蓋顛連困苦之狀流離
轉之情畿民近日光景想亦仁人所共憐也
聖上注念根本之地特與寬恤以回旱暵愛民體

國者當不再計而決矣抄出速之抄出到部送司
案查崇禎三年召買薊豆派順天霸屬買米一
萬二千石豆六萬石密屬買米八千石豆二萬
石共發過新餉銀二萬八千兩尚存銀一萬
千一百四十三兩一錢零未經領發今據寺臣

疏中議免順永二府查永平三年九月發現銀
派撫寧昌黎樂亭三縣量買本色以供永鎮之
用四年分原未派及順天止派霸密所屬已領
銀者難以更變未發銀兩應暫免發另行措買
等因案呈到部該臣等看得

畿輔召買臣部原議官買官解而奉行未能盡一
臣前條上十事已約畧爲民請命議一量收本
色之法已荷

聖鑒卽如議飭行矣寺臣因早陳言關情桑梓如所

云私派民間諸弊牌票要錢里長要錢交納
費追比有費甚而灾及牛馬累連子姓家常
景逼真托出與隔膜痛哭者不同臣部能無
然也案查畿南開運召買十年於茲近日坐
該府太倉新餉襍項銀兩郡縣自發自給於
無與省各府彙解之苦政以杜剗發需尅之
歲終找補腳價多者千金少不過數百金蓋
發補清楚而後敢敘覆入

告也惟薊鎮懲召商之冒濫暫議官買客歲援兵四

集米豆倍增臣不得已先發現價令樂亭等三
縣量買米豆草束供永平士馬之用今歲召買
便舍永而派順又不敢槩及順而酌派霸密未
遭虜破之州縣霸屬先發銀一萬四千兩密屬
先發銀一萬四千兩并動京邊舊餉及裸項新
餉銀兩度已買運就緒今寺臣惓惓於順永二
府而不知今歲薊鎮米豆實未派永惟順之霸
密認買日久轉瞬涉秋蠲減恐費區畫反覆籌
之其何以副

聖明之軫恤而胥寺臣之太息也計惟有已領之
仍令照數買運尚有未發銀一萬二千一百餘
兩臣部停貯免發另行措買明歲順永免派
年以示休養寺臣叮嚀以三歲爲期臣竊謂
行偶沴援兵肆擾實不堪重困萬一特和歲
援兵之弱者罷遣强者出勦決不久戀此一
土將一年之後召買可省卽不免召買而臣
亦可從容而曲爲之計究竟舍近而驚遠去易
而圖難在民生固獲安堵在軍餉或虞不繼天

下事固未敢一日斷定一口說盡也除草束輕
冗堆梁輦載之不便勢不能不借力近地外至
於停免米豆議令臨清天津河西務等處代爲
買運於情理甚近卽

明旨亦謂事屬可行但天津召買每歲以十餘萬計
原自不少臨清河西司屬各有職掌責以召買
似非一手一足之力若令有司協力爲之則與
薊永召買者何異耶要以救焚拯溺之舉自不
妨破例偶一爲之莫非

王事臣當另爲講求長便以甦此一方民也既經
臣具題前來相應覆

請恭候

命下臣部移文各該衙門遵奉施行

崇禎四年五月十九日具

題本月二十一日奉

聖旨據奏今歲召買止派霸密所屬原未槩派順永
知道了領過銀照數買運依議行其未領銀停貯
另買當有何法併明歲旣欲免派餉司又不代買

將來作何措抵還明白奏來這項止係薊鎮米豆
若關運所派據稱以郡縣襍項自行給發此在不
肖有司益易侵隱朦弊以後著該撫按及督餉御
史嚴加查覈務期具正官買官運永不擾民違者
重治本內旣說四年分酌派霸密前司中案查又
稱崇禎三年是何說該司官回奏

題廣東考選知縣黃金貴等預徵叅罰開復疏
題爲剖明預徵新餉緣繇懇乞查明具題以便考
選事專理新餉山東清吏司案呈據廣東順德
知縣黃金貴東莞知縣李模陽江知縣李右謙
靈山知縣黃學元呈稱貴等遠吏粵東任內京
邊各項錢糧完解獨蚤朝

覲冊籍可查唯崇禎四年預徵遼餉近奉入

覲各官帶徵三分之一凡屬臣子敢不急公第粵地
遠在天末例以九月內離任查得前項新例於

九月初八日奉

旨而職等趨程皆在

明旨之先無憑徵解今蒙題叅職等靜思委未奉有
帶解之檄勢難預揣並非脫卸且離任之後署
印有官徵解遲速自伊責任懇乞查明具題以
免功罪混淆等因到部奉批新餉司查議具題
奉此相應查明具題案呈到部該臣等看得新
餉預徵三分其來久矣客歲月餉壓欠無措臣
於九月中具疏申飭責令覲官帶解奉

聖旨遼餉預徵三分原屬舊例依議着覲官早徵帶
進其不入覲的撫按委解不許遲至歲外仍摠行
開冊報部以憑考核餉額數定卽以三分亦易集
輸但須有司絜已恤民悉心調劑如或借名混徵
多收耗羨者撫按官查叅重治該部速行嚴飭欽
此臣等慮委解不前覲官卸擔復具疏爲軍興
日繁一日遼餉時迫一時再懇

聖明嚴飭省直速解預徵以亟救匱乏事十一月十

三日奉

聖旨軍興浩繁預徵新餉三分奉旨已久各省直隸府州縣等官疏虞無公豈得玩延誤事這限期已成及代覲附解俱係議嚴行該撫按督催接濟違者分別叅處欽此臣仰遵

聖諭於本年四月內查叅預徵完欠以信

功令議將省直州縣全完者紀錄全不完者罰治
奉

聖旨這預徵完欠各官依議紀錄罰治仍著嚴催起解造冊報部欽此已經移咨吏部欽遵在案查前

金貴等則在全未完解降職一級督催之列者也

明旨有赫疏墨未乾臣何敢自食其言曲徇情面以干

皇上之斧鉞惟是粵東距京遼遠郵筒列期難至黃金貴等以九月離任而臣預徵之疏方於九月拜

命則文移實未經目返願亦不應手况查三年覲叅四載行取各官任內錢糧俱已全完而預徵之

欠實在離任之後原坐不知夫以五年勞吏一
旦鑄級其情實可矜原也據稟稱各官離任之
始卽有接管署印官員順德縣署印廣州府通
判李揚東莞縣署印廣州府同知管天衢陽江
縣署印恩平知縣孫光緒靈山縣署印廉州府
通判孫以衡接管已逾半載而分毫不爲代解
身在萬里何計督催在四縣日夕飲冰而署官
不關痛癢幾於秦人視越李代桃僵者矣倘移
四縣之罰以罰署官而黃金貴等容令開復是則

浩蕩之恩而平明之政也臣非敢無故而爲此請也
先該廣東布政使陸問禮亦以預徵文遲覲官
行蚤恐俸滿者未免受累欲將借支援兵餉銀
七萬餘兩抵覲官三分之數而臣部不准開銷
故貴等不免於罰臣於此處自覺不近人情矣
故因其撻迫而代爲籲

天也可否出自

聖恩微臣未敢擅便謹題請

旨

崇禎四年五月二十一日具

題本月二十四日奉

聖旨奉旨事件必查明道里月日方能參罰當事據
奏黃金貴等赴覲在先部文在後該部何不一查
輒行題參且各官奉旨已久何爲玩若罔聞不早
陳剖直至考選在卽方求部代題若詔令不信勸
懲紛更成何政體本內管天衢已經革職尚議移
罰該司官種種踈誤念係新任姑不究述旨內多
以字刪正行

覆順天傳撫請建產銀兩建造營房疏

題爲懇

恩准留提動銀兩重建營房以安民安邊并以清兵
核餉事專理新餉山東清吏司案呈奉本部送
准兵部咨該順天巡撫傳宗龍題前事議將薊
庫見貯李致和逆產變價銀一萬五千七百餘
兩留建營房緣繇本年五月十三日奉

聖旨安軍始能安民創建營房洵不容緩這所請逆
產銀兩該部速與舉行欽此欽遵咨會到部送司

相繼而逃者至到郡縣民卒無歸還鄉里者
復而還民而解軍中已期有糧糗欲逃未得
徘徊却避蓋從來身其難不能久安襁屨
在皆然而還則幾有兵無民矣前撫傅宗龍
然散兵分伍創建營房令民自民兵自兵不
侵擾於以集還宅之哀鴻而解屯聚之開蟻
甚善也乃誅茅伐木之不給笑及李致和進
克餉銀一萬五千七百餘兩而請諸

皇上臣部因查李致和等地土議作屯田房屋

變價惟是估值太廉駁催再四未報初不知道
庫貯銀如許使蚤知之而籲請不敷之日其能
久留此也今無論修建營房非臣部事而月餉
缺額實多何能輕捐此萬餘金者惟是逆產充
餉原屬

皇上之恩在臣部可賴之以養兵在薊撫亦可賴之
以安兵何敢妄分彼此且撫臣專制一方使情
面相徇月糜何止萬金使堦底清查月省奚止
萬金近日畧加調遣營制便覺清楚繇茲以往

臣部之嘉賴於撫臣者尚多又何敢惜小費而妨大計也惟是撫臣疏稱一萬五千七百餘緡與營房之費數頗相當臣部已如數聽其動用矣其餘報而未解駁而未報與用而不盡者尚望撫臣念臣部匱乏之苦情更仰體

皇上克餉之

德意速爲查覆樽節報解以濟然眉則撫臣相成之誼更大矣旣經兵部咨會前來相應覆

請恭候

命下臣部移咨該督撫司道并知會兵部遵奉施行
崇禎四年五月二十一日具

題本月二十三日奉

聖旨這逆產變價銀兩准照數支建營房銷筭其未經報解的通著查明具奏其地土已奉旨召佃不得變價欽此

覆京庫支餉王業隆等兵馬改支通薊疏

題爲遵

旨開明月報季報地方進呈

睿覽併祈申飭以信

功令事專理新餉山東清吏司案呈崇禎四年五月十三日奉本部送戶科抄出專管查覈餉務戶科給事中許世蓋題前事等因本年五月十一日奉

聖旨知道了涿州月餉係何官支放著戶部查明入

季報數內欽此欽遵抄出到部送司爲照涿鎮每
月餉銀四千五百餘兩原未設有餉司一向在
京支領未入月報委難稽覈又王威團練等營
月約一萬九百餘兩亦係在京支領不入月報
今科臣疏議將涿鎮歸併通鎮餉司合無將王
威團練營兵餉廩糧亦歸併薊州餉司以六月
初一日爲始造入月報等因案呈到部該臣等
看得涿州鎮共計官兵二千五百九十員名內
總兵王業隆下官丁三百二十五員名又馬一

百八十匹署義勇營事都司揣邦正下二千二百六十五員名每月廩餉馬乾大盡共銀四千五百餘兩小盡共銀四千三百餘兩兵屬創設餉亦因而權宜相濟赴京自願臣部憑霸州道號單印領并該鎮印冊核實支給登入五日

奏報冊內在該鎮雖利于身守候支分之煩而無冊報科則消長盈虛之數科臣誠有難干稽覈者臣部酌量道里則屬承州知州收奏似便而號單掛自兵道其間文體簡陋恐非一州守所

可生者送官與有違者斬即除五月收邊不
仍加有違者斬六月始按月發通鎮
司監吏一體

奏報以備查奏奉王上諭國練一營共計官兵八
千五百八十八員名查皆烏世龍鄧邦鎮等與
該鎮所募過

畿兵丁以爲京軍而賴無隸籍以爲援兵而入多
土著據其駐守薊城明是防兵顧不安於防而
大半以擾自居如定武等營官兵六千五十五

員名每月大盡在京支月餉銀八千四百六十
二兩捌錢仍在薊支口糧塩菜如奮武等營官
兵二千五百三十三員名每月大盡在京支塩
菜銀二千五百五兩一錢零仍在薊支本色口
糧月費萬餘金是在督撫酌定非臣部敢議更
也惟是兩地關支慮易重複混冒而月報無冊
科臣從何打筭不幾一營而有二餉一餉而有
二制乎合無亦照涿鎮例歸併薊州餉司自六
月爲始造冊分給載入月報疏內但查該鎮當

日駐防城下每月率先期支領因仍至今屬屬
不願屬薊亦恐一例遲滯未必畏避銷筭也今
後薊鎮餉司仍須查照往例蚤給使各兵無枵
腹之嘆而部科循銷筭之法是亦兩便之道也
伏祈

勅下臣部將涿鎮王業隆薊鎮王威所統京庫支餉
兵丁改屬通薊兩餉司收支造報庶查覈妥確
而影射增減亦可杜矣

崇禎四年五月二十二日具

題本月二十五日奉

聖旨王業隆王威所統兵丁有在京庫支餉的依議
改屬通薊兩鎮餉司收支報冊以便稽查爾部便
與該督撫鎮道移會飭行

考覈新餉薛郎中差滿疏

題爲考覈司屬官員事廣東清吏司案呈奉本部
送據專理新餉山東清吏司郎中降二級照舊
管事薛邦瑞呈爲餉差事竣理宜考覈懇乞俯
鑒微勞代題復職并賜照例量移以昭激勸事
竊照本職於崇禎二年十月內蒙題委專理新
餉事務時因郎中范鑛未陞尚在候代適值大
虜薄城餉務倥偬范郎中經理於內本職經理
於外凡運發

廣渠等門援兵糧料草束皆職管理至三年正月
初三日范郎中陞授河南按察司副使當卽交
代本職於三年正月初八日到任此時虜踞內
地援兵雲集薊通昌涿四鎮增募新兵馬蘭真
峰一帶修築城堡安家與行糧並索月餉與工
犒交需千瘡萬孔百費繁集以有額之新餉當
無限之軍興是理餉之艱難實從前所未有也
本職謬承任使惟朝夕隕越是懼一歲拮据與
軍興相終始共措發過行糧塩菜召買工犒等

項前於軍興

奏繳冊中造報不敢再爲臚列以兵餉言之往時
關寧等鎮月餉往往壓至一月兩月後因運道
虜梗業已壓至三月本職遵奉部堂指授通融
陸續奏補舊欠俱完見餉按月給發自崇禎三
年正月起到四年三月止共發過寧遠鎮兵餉
馬乾等銀一百七十五萬五千二百零三兩六
錢六分山海鎮兵餉馬乾等銀六十七萬一千
三百五十八兩九錢七分零關寧防薊官兵月

餉銀三十五萬一千九百五十兩

三十四萬四千六十四兩七錢九分零

兵餉銀三十萬九千七百一十六兩二錢零

平鎮兵餉銀二十五萬七千九百八十五兩

錢天津鎮兵餉銀一十七萬九千六百九兩

錢五分通州鎮新兵月餉銀一十二萬二千

百九兩五錢一分零昌平鎮新兵月餉銀一

萬六百四十兩一錢八分零涿州鎮新兵

餉銀四萬三千九百五兩三錢五分零以上

發過月餉銀四百一十三萬六千六百四十四
兩一錢零凡職任內應發餉銀盡數全完而從
前壓欠徹底清楚矣外如關寧無馬而支馬乾
糧料等項逐一清查呈堂移文扣存歲共省馬
乾銀二十二萬六千一百兩有奇抵筭月餉缺
額又各鎮因經制未定題

請設立清冊凡舊額新增有混冒重支者銷筭呈堂
屢行駁查改正本部舊額新餉關塩二課不過
四十七萬二千餘兩職因軍興匱乏悉心講求

未盡之例呈堂酌議題覆增出兩淮等處鹽課
五十二萬四千三百六十一兩七錢四分開稅
十萬五千四百八十兩以佐額外之費本職督
運

廣渠門援兵糧料用過腳價二百八十餘兩俱由
自備所領

公帑盡數繳還又捐助銀三百餘兩以佐軍興查
舊例一年差滿今歲正月卽當告代因值計冊
銷算本部堂責令竣事至四月內方得題官接

管此職任內歷過始末之實事也伏念本職於
去歲八月內因查奏新餉收放大數偶以數目
參差致蒙

聖旨降職二級照舊管事及查本部邊餉司喻郎中
亦與本職同時銷筭錢糧錯悞亦蒙降職二級
今喻郎中理餉事竣已蒙題

准復職仍與照例優陞職與事同一體且職司勞苦
更倍于舊餉况去年六月內因四城恢復蒙兵
部敘職微勞題奉

欽依賞銀十兩准於陞任之日加陞一級欽遵在案
夫服官拮据職分宜然何敢言勞但比例考覈
不得不據實開報若垂憐微勞准免降級照例
陞轉此又出自

聖恩非職所敢妄冀也等因到部蒙批該司卽查明
考覈具題奉此當卽移付接管新餉司劉郎中
備將薛郎中任內行過事蹟逐一查明與本官
原呈所開無異相應具題案呈到部該臣等會
同督理新餉本部右侍郎周士僕看得新餉司

一差筦關寧有呼立應之本折理内外夕下朝
履之章奏任重事煩怨多勞萃人人望而却避
焉該前任尚書汪應蛟題稱此差勞深著績者
吏部酌量破格於京堂敘用又該前任尚書李
宗延題稱此差執掌盡瘁除安攘著績另敘外
應准一年卽與優陞司道以節其勞故遼事十
餘年經管官凡七員除楊嗣昌楊國柱各告假
外如區龍禎胡士容葉廷桂苗胙土俱一年差
滿卽陞叅議范鑛留管兩年卽陞副使皆

皇上破格鼓舞使不能者有所限而不敢躡能者有所勸而不敢諉前例班班在也若山東司郎中薛邦瑞定力不辭艱險清心自甘冰蘖當任事之初值軍興之際臣等凡可爲兵餉計者日向司屬講求提掇而本官殫精竭力夙夜在公前此督運糧芻於

廣渠等門則咄嗟立辦後來措祭月餉於主客諸兵則壓欠俱清磨筭出重支混冒見經改正則扣省馬乾銀二十餘萬抵克月餉打算出益課

權謀力議生殖則增加新餉銀六十餘萬兩以
濟浮額他如虜倣臨城捐貲轉輸前後共助過
五百八十餘金乃避遜不敢求敘斯尤本官急
公憂

國好義忠

上之一證也按舊例應於正月告代臣部以

覲叅責令竣事乃本官隨分効職不敢規卸比之前
人拮据之勞又多三月矣案查新餉司官原不
經手錢穀往例皆於差完陞轉未有考覈本官

不敢於交代之日遽求敘陞者祇因三年八月
內偶以

奏報數目錯悞蒙

恩與邊餉司郎中喻思慥同降級管事故違越比例
待臣覈

請今喻思慥以差滿勞深業蒙

聖恩准免降級仍與照例優陞矣本官新餉之勞實
逾邊餉軍興之苦尤倍前人仰邀

浩蕩之仁准與喻思慥一體免其降級照例陞轉於

以勸前而獎後想亦

聖明所不靳也至客歲四城恢復該兵部題敘蒙

皇上鑒其軍興勤勞賞銀十兩准於陞任之日加陞

一級茲固叨

恩之日矣在小臣何敢言功而

王言實已示勸臣部按績考覈據例實陳非敢徇司

屬而爲之于冒也如果臣言不謬伏乞

勅下吏部將郎中薛邦瑞准復原職仍照先後題例

准與優陞庶激勸不爽而群工競奮矣

崇禎四年五月二十二日具

題本月二十五日奉

聖旨薛邦瑞准復原職管事司餉因當敘勞才守亦
宜兼覈豈得槩擬優陞還著吏部確查具奏